



北碚詩集卷第五

桃花犬行

非玄非黃花蒙茸炫晝不減原上紅無功指蹤走原野兔盡倘  
可逃穴灰凶禁林都是秋聲樹滿身何處沾紅雨苔痕玉砌卧斜  
陽又誤零霞低薄暮楓宸紫闕芳霧濛長門永巷冷風夜巖  
不聲白晝永羊車所至隨從容鬼瞰高明目不瞬勾連狸怪狐  
妖逞百步雖無檻虎威雙睛何用軒轅鏡熙陵以西一鉏地寸  
金寸土君王賜平分只與碧銜霞生死恩縈略相似相如飛轍  
自蜀都初回猶監誦子虛四夷來王亦典麗御考自稱前進士

錢熙泉南人進四夷來王賦萬餘言

太宗愛其才擢館職有司請試上笑曰試官前進士趙某親自選中

趙侯遙碧軒

一峯中雄首兩峯拱而立斬然入雲表煙開翠鬢濕佳山如佳



士可望不可及詩人覩天巧妙處歸眼力新營稱華扁收此一  
寸碧婆婆在其下繾綣與之習嗟哉塵土中膏火日煎急青層  
但坐對皓首未暇識趨舍各有適初鑿不相入何當山上頭裴  
回瞰原隰

### 止止閣

回闌淨如拭古竈寒不煙宿之用彌壯淳則澄以鮮鄉來矜襄  
陵今馬碧淵、鄉來觀燎原今也不復然激湍反其性靜則知  
其天抑炎弗用智、燭天地先悠然百不理復簷飛畫舫拍闌  
撫寥泚倚檻鑑清連山黛渺茫綠水花先後妍原隰煙雨時萬  
變了目前汎觀塵土中搏攫如鳥鳶婁藏滿籬金更聚百屋錢  
亡弓若妄異去劍疑將還擬分巴焦鹿去饁虞芮田營、復營  
營萬緒膏火煎何如歌吉祥疊、樂者全

### 謝宣城朱長官

三山人

飛來何處山秀整連鳳池絕勝一鉏地天地不得私瞳、斗牛

間明玉生華滋廩姿歲寒後蕭洒觀孫枝出宰山水縣小謝城  
東陞琴瑟日在御筵楚不苟施春風河陽花次第芳菲、屈指  
九十日日、把酒卮玉山不須扶百里皆酣嘻行板星辰履頡  
頏叢霄蜚故家厚培壅袞綉看傳衣

### 天台宋紫薇光祿挽章

閑適與康寧山林只一人風流兩晉舊翰墨四朝新五袴歌宣  
化三盤載續綸垂楊閑意緒華頂老精神廣樂千齡會溟波幾  
度塵壺中留白日庭下擁朱輪荷嫩衣重製蘭馨佩更紉玉頰  
千日釀俗蛻百年身賦裏尋詞客橋邊問應真靈光猶在魯商  
嶺謾逃秦入社宜歸洛休耕不起莘騎箕渺何許長嘯玉樓春

### 山行即事

吹到隄邊絮春菲處、空苦滋茶葉雨野韻刺花風荷貼平地  
綠榴苞露井紅忽聞淮麥熟且願似崆峒

### 次韻陳右史賞醉落托

詩五

二

羅幙低開護曲闌  
嬌紅落托醉扶難  
朝來嫩日踈雲淡  
縱有些風儘耐寒

送王寧國 初寮諸孫

習、涼薰至自南  
詩人官滿策歸驂  
腰纏簡短聊遵約  
家法森嚴貴不貪  
政入民謠歌得一  
月臨山驛賦成三  
獨餘尋犬鳴弦地  
儀表江東古子男

謝人餉蕨

瓦盃亭午未聞歌  
少負心初負腹多  
薇蕨不侵耕鑿地  
八珍奈此屬饜何

秦權

自程文法較鎔銖  
汗竹韋編付盡餘  
倒置重輕矜縝密  
不知三十六年疏

鶯

寂堪聽在綠陰、  
緩、歌、醕、細、吟、  
別院曉聲知幾許  
田巴抵

死只泉音

芳渚秋零小卷

沙明石老水收痕  
零露寒生宿莽根  
欲盡夕陽秋態度  
莫添白鳥破烟昏

彰教山茶敵勝宣城

吟壓宣城小杜陵  
忍紅、擬白頭吟  
丹滋曉滴珊瑚重  
闔戶春寒翠幄深

時齋

易去若難追  
知幾勇不疑  
梭線起雷澤  
魚已奮天池  
夜冷梅粘雪  
秋零桂着枝  
風雲與人會  
先不與人期

臘初雪至月末

四野靜無塵  
崇卑砌得勻  
不才添臃腫  
瘦節恥輪囷  
亂委無非瑞  
才消便是春  
多年開混沌  
今日見純真

梁太子釣臺 池州



晴拂雙鬟曉未開先馳寸碧渡江來傷心舊日乘綸地幾度江  
春去又回

清泉得名於真大參

清者畏人知泉胡不病茲土疏分石脉砂淺靜風漪薇腹應同  
潔茶勲亦振奇出山嗟渾、三嚙起余思

九華山

九華宜帶雪故、仲冬來翠掃收梳洗玄冥未剪裁驟觀疑舊  
識近看若新開曾說壺中玩多應小有才

老融牛

一戰長駟七十城可無餘勇替春耕歸來不作凌煙夢只寫清  
溪瘦影明

力穡工夫畫裏看閔勞念舊只長歎斷魂千載荆州市尸素甘  
心飽阿瞞

雪旂

九達埃壘點人衣踏土何如踏浪兒爛熳溪頭千樹玉風蓑月  
笛吳闌時

放闌冷泉亭

截住冷、碧透沙放開袞、怒飛花石疑初裂蓬婆麓鯨擬洪  
奔海若家殷地賈餘翻霹靂噴岩用杜激銘呀憑闌小佇觀流  
止不獨觀瀾一笑詳

下竺朱桐花一根出石上見之四十餘年

綠柄高扶絳玉開層、萼、染牲裁嶧陽曾止青鸞翼無此奇  
葩更不來

巖山人餉蒲萄漿

翠朶摹藤剪綠垂小槽新壓水晶漸涼州亦有揚州鶴惆悵山  
葩更不來

送心上人歸琴川

五道川流似五弦綠匳朱戶照明鮮飛來峯下僧歸去髻鬢華

亭落照船

烟竹

林疏略見雨三分不是嵐光不是雲  
巫展生綃輕着墨幼成初日庶晴熏

秋夜

嫩涼細意入簾櫳禁樹秋聲未擊蒙  
展盡綠蕉心寸、幾時消息到梧桐

天竺兩峯堂待月

燿、如水洗新秋到兩峯前凝不流  
曾似大人祠下看丹梯飛步玉華樓

代人上魏左史

榜下畫橫飛龍頭尚立螭穹崇方善下  
謹厚孰逾卑制作雖師古經綸蓋制宜  
迥起千丈俗密契九重知北海客常滿  
西湖雨亦奇文傳仁者壽用適聖之時  
數道甘棠詠叢霄湛露詩未

移騏驎步已在鳳凰池紫橐荷芬馥  
魏冠佩陸離橐中雲錦段拈出解人頤

水月菴

心蟾光腫、性靜湍不起悠哉小天地  
萬化渺無蒂清苔半落水月菴碧蟾夜、  
先清涵曩曾借榻坐涼樹細數秋毫闕  
夜潭猶來清圓捉不得何地容茲老豪  
逸脩名與月俱不死哀、東流幾時息  
鄉來萬州賦此詩寥、百歲無此奇詩  
在天西錦官寺珠壁照人覺形穢

劉寺庭屏盛開

鳳井庭屏玉載腴樓前樓後着花初  
不須素幌紫檀篆只放鮮風入綺疏  
恨弗同尋姑射住却疑儻得廣寒居  
露零夜老秋衣薄獨自裴回繞屋除

直院盧蒲江為余作壽木怪石

草枯藍田山飲羽誤入神歸來落清夢  
起寫質虎真槎牙虎邊

詩五

五



樹霜虬蛻脩鱗鄉來一寸根今者千歲苓凍雪壓不低華風吹  
不春落子大蔽牛萎起厦屋傾日月弗知老保此堅與貞年  
姚家黃角逐魏紫榮十里春風香走殺陌上人天妍極遠到不  
得一月程居然事顏色只與朝菌盟安知有耆艾落、仍亭、

江西定上人梅

眼明不識春風影收拾風煙入夢思一笑自知天下白墨名烏  
足累冰姿

老融放耕圖皇甫都護雁圖二絕

蓑笠從衡叢鰓著暝歸晨作俟豐年誅求莫撓雞豚社春雨春  
寒苦最先

邕：何處一聲秋杜若汀連宿莽洲米熟菰蒲隨分飽危机多  
是稻梁謀

木犀着雨

空山雨淫秋妬我庭中屏、粵粟玉英浸漬仍葳蕤有如春方

中名品嗟淋漓回依海棠泪著此霜蟾枝聞此輒掩耳代犀前  
致辭燕脂怨無香姿色独媚時烘晴睡未足已驚胡馬嘶彫零  
怕隨雨嫣然成愴悽鮮明擅韶華不足較等夷自怜宮樣黃不  
結春風知木蘭固可友宿莽亦可師正色俗子憎濃馥天風吹  
苔痕淨如染綠展承霏、故家換骨法降真合傳衣大山與小  
山騷雅同衿期至今百世下猶有薜林詩何心與物競有泪無  
從揮

秦時石酒缸

臃腫窺秦制曾聞釀酒來腹如包括脹口作并吞開北築飢難  
療東巡醉不回痕雲疑漱灑餘瀝暈蒼苔

九日還山中

去年佳約負東籬鳳井丹屏彷彿知便使山灵先勒駕明朝更  
擬北山移

虞美人草

詩五

君恩如海、不深妾義如鍊利斷金舍生取義我所欲忍死織  
室羞同心春姿忽作秋蓬委一寸劉明曾不死明年原上野花  
繁一枝自託華風起裊、娉、不成艷態度淺深生色染向人  
欲訴却無言寂寞千年恨誰掩芳郊遊女宛轉歌倚春拍手看  
婆婆露晞初日枝頭墜猶有君王別時泪翻劉覆楚知幾何大  
風竟作還鄉歌淮南區、欲為帝淮陰堂、賀陳晞

蒼苔

濕帶秋痕綠可庭花陰竹色借鮮明簪抽翠筍愁穿破茵拓青  
絲喜剪成戶外倚筇遮俗屨樓頭橫玉襯塞英平陽不惜黃金  
埒稠疊蒙茸四畔生

漁父

謀生與俗違一葉浪中蜚水易分團月雲難隱少微雁沙眠晚  
照鷗渚權晴霏見說蓬萊淺尋津問釣磯  
裝冬後不速之客來

綻裘紉絮辦冬和羽化其如獨冷何藕蕩欲搴霜後葉曉來零  
落更無多

王總鄉季和歸自關西

關西長慮獨兢、萬竈分屯感慨深不易制如平硤水最難得  
是蜀人心撥灰忍見俱焚玉銘鼎徐看小篆金欲倚籌邊開玉  
帳共觀城外柏森、

耕谷鄭

屨痕不印步虛壇欲事鉏犁恐亦難雲子熟時還自飽不知沆  
瀣與誰餐

識全鄭

占得沙邊柳外春更專吟嘯管陰晴延祥觀後苑茨老月旦工  
夫子細評

石亭劉

蒼壁痕雲煖不消午陰花影共林臯丹藏亭對無人守付與縣



枝雪色猱

秋塘報陳提刑訃

兄弟三人皆詞科

宏博曾聞鼎足無脚終實處即榮途恰觀次第行初志異懋神  
明振後圖齒失半唇忘屏翰棟聯雙萼更紛敷鄉來少戇頰公  
笑却憶公言諛故吾

送傅兄歸江西簡諸宋諸黃

傅祖居趙州

冲和正脉到江西中有千岩萬壑竒百鍊易成終切玉一炊難  
辦必精糜艾蕭雜處芝蘭馥風土殊方枳橘移鍊石故家清婉  
賦盍臨踈影寄予思

小宋元墨梅不下定師

題高髯墨菊枕屏

欲種團枝香無地着蔓延密化移春霏零露生秋妍非金亦非  
玉采、仍田、餐英不成夢喚起西窗眠

題高髯詩藁

翻水千篇未足哦不酬一語亦同科若非身世相忘久應是江

山得助多旬月有人加鍛鍊壺觴無地不婆娑西湖南蕩相尋  
處門斷紅塵接翠蘿

接虞稅院貫卿遺書

盡心如善射百步中弥親不競與閑契尊生為死隣閑訊千古  
恨日計兩眉顰一卷花嚴易心知更幾人

甘園尋梅

踈枝重複裹莓苔護得寒英煖未開料理不閑元化事翠華長  
是雪前來

楮幌春生斗底房不知冰結夜來霜無回領略黃昏月只遣踈  
鐘管暗香

松御座

偃蓋交柯坐亦宜春風翠輦憇逶迤大夫寂寞山陰道不見西  
湖鼎盛時

自是無公雲

詩五

八

自是無心物依稀似有心因風終再、釀雨忽沉、一末紳朝  
嶺重簷帽晚岑丁寧休蔽日我欲耀陽林

趣徐無競作水仙

抱獨貧如我飄然更我怜親思文度瘦婦笑伯鸞顛混、污成  
俗腫、碧觀天肯移羅襪步薦菊此林仙

雪湖池上新築

疏綺闌水池苔封老石矼魚方深避釣鷗亦早忘机滌研融殘  
雪觀書競夕霏春風長似舊還趁雪中歸

曹瀘南得

思陵舊賜張魏公琴曰散雲器遠

岌岌豁塵昏舊賜出散雲不知落人間蝦蟆幾虜盈晦顯因靡  
常數豈逃冥、想當風雨時破壁應有聲懷壁或匹夫呵護煩  
百神一朝得所託倏若屈蠖伸人以器固舊器以人懷新玉軫  
黃金徽爛、奎畫明魏公藹名氏千載如丹青歌風調舜弦感  
物懷克仁扶日昌中興四海同一雲載維艱難初事與得失并

萬竈嘉陵江飲此一掬清悠然一再彈萬里懷長城雲絮初無  
根勇變嘲晰鳴捕蟬寫真意弦外無人聽空嗟易水寒遺恨崆  
峒平

杜侍郎之遂寧

寧為輕以清抑為重而填重輕惟時中舉輒麗吾正誠齋振家  
學本末盡誠敬所施見倫次所曠洞遐隱喧啾雄地籟靜勝了  
天定一經早授受吳霜未侵鬢精明紫荷橐所蘊固未盡玉堂  
與天遠仙槎向人近旌旄屋頭州維翰倚東屏歛此一道惠徒  
引兆庶領泉山跨鰲碧橫江秀而整吾親在其下粉榆接封畛  
家有老吟僧河海借餘潤

喜曹安撫還自瀘南

蜀道回仍漲燧煙煩公玉節照山川省闈三見文衡正邊柝雙  
兼武備全傳自老成需代去不知威惠倩誰宣回頭半壁西南  
地不是尋常刺史天



盧直院挽章

玉堂雲氣鎖空濛回首冷然跨閬風  
帝貴又騰身後賈騷亡舊策眼前功  
蝸緣竺磻題名石鷺憶吳江載酒蓬  
零落九華三四帖腫、犹在破囊中

宋左曹湖州宣諭

皇華萬斛下苕溪夾道甘棠映綠漪  
為問只今回首處曷如它日勸耕時  
恩光繞洽腥風靜烽火初消化日遲  
士不明經無足用鄉來殷侑亦如斯

永嘉壁書記携諸公詩卷索語

草思含芳夢亦疑芬陀擢秀自枝、  
人間萬事醉眯眼江上數峯青到眉  
多暇湖山分畫永少晴風日共春遲  
一春幽事從頭了先破蒼苔弔紫芝

趙天樂

和寒泉春日兒童三詠

趙未迂

爭跨迎侯彩竹新相呼回策巧如縈  
一鞭看是誰先着穉子群

中覓祖生竹馬

縱輪不卷只嫌低高處安知鷗退飛  
弱縷不禁兒輩掣斷鳶弗下新雲歸  
風箏

煖響烏檻二月初調高不作小葦于  
年、陌上兒童戲嚼微含

商畫不如烏檻角

醜寒泉牡丹

見說姚家與魏家紫瓊黃玉剪絲葩  
亭、貴重推名葦歲、清明賞大花  
日褪曉晴連影好露添夜冷並枝斜  
一從婁舞霓裳徧憔悴春風怨物華

京師牡丹謂之大花

上巳日

龍飛乙酉三三日節物催春睡不知  
便作花殘鷺老態略無天朗氣清時  
麗人行、高吟續禊帖碑從雁本欺  
逸興不隨今古盡振衣千仞赴心期

柳絮

詩五

十

滿城漢、看飛揚百鍊剛非賀老腸。雨不收，知醞藉倚風無力。信行藏可曾著意，隨流急竟亦何心。作許狂酒似海留春，不住為春。回雪薦離觴。

杯中魚子

眇如絲粟便悠然，窪玉深中淺注泉。再暈不知前夜月，終生便樂此中天。群分自笑如兒戲，聚育誰偏得母怜。因罟不來斯可樂，洋洋何必泳長川。

悼陸秘讀

諸老騎箕上太微，仲謀不似景升兒。廢尋蹊隧千年古，光奮胸襟一段奇。直敢味尋嗟枉尺，方寧適義不成規。冷然差早終無媿，安俟名垂竹帛為。

三賢堂

彈壓風烟盍鼎分，一新丹碧耀層。異時三鳳鳴，還止舊約群鷗喚。得應舡繞砌雲，尋水步葑侵簷影。似田塍，關心夜老梅花。

瘦別有孤山樹上僧

題煥少章墨菊

采薇不療餐，英瘦著眼無。從到朶頤秋，露染毫餘曉。馥便成畫餅，亦忘飢。

謝疏寮高祕書同常博王者元見過

友生朱與葛，月旦說疏寮。老錫思投越，春江夢趁潮。句新哦易熟，燈喜剪難消。聞道塞旗鼓，山林不寂寥。不繼青雲步，行間著得麼。官居最華要，吟似老頭陀。行輩今差少，声名早厭多。猶將三萬軸，清夜荅弦歌。

疏寮詩劄附

夙接江畫素心盡，降一離名峯便成香。隔杜陵歸後始得清，題情之所鍾，何必見安道也。二作峭眇不枉飛聲，自怜衰調曷可蒙。塞若有寸暇，尚續前盟。

恨不相從早分渠，月半寮墨飛春澗。石茶袞夕鐺，潮詩到如今。



瘦情從此處消為君料理極參透碧寥、  
憶昔相尋處時今可更麼春愁侵磊隗晚步隔坡陀風入唐声  
妥山函蜀氣多一春聽畫雨此意與誰歌

刀聶工

彈鑷何曾款俗局清晨且了夜來經匣非臺鏡人誰鑒閱少年  
頭雪易零老葛白留身後貴顛僧髮燼死前灵白厓雜罷還來  
難饒得長安兩獨醒

智迂畫牛

力敵難教死闘心墨輕毫淡柳陰、莫將觚角迂奇思只寫洪  
川扣角吟

盧玉堂枯木怪石

礪砢不坡陀非才謝伐柯相看如我瘦想見閱人多譽笑丹青  
俗工如水墨何經營盤礴際天地困搜羅

十四夜竹間對月客有說丹霞張郡博已還豫章

華玉初痕隴樹顛腫、俄頃散澄鮮已無纖翳淨如洗猶有些  
兒脩未全竺友嘯聞青嶂外胡床移近綠筠邊懷人長恨千山  
隔雲淡天低鶴未眠

定平懷墨梅

南昌梅少府人道是梅仙不療疎枝瘦安知壞色妍春歸天上  
去真自鏡中傳同出吟机杼無声亦自賢

次周和州韻

綠水繞園庐花無一日虛柳橋閑研席竹嶼小籃輿惡草防滋  
蔓新篁戒剪梳不堪奇字累酬接費分疎  
杯土銘駢駁詎如柳子騷滌新藏缺研慙舊惜殘毫躒石懲李  
少聞雞仄枕高雲低鴻翼遠弋者不償勞

圖翁瓜圃出故淮東使者方詩境所藏楊補之三友  
畫壽詩中境人修地下文金蘭三友合涇渭兩邊分凍壑層歌  
蓋炎天独欠君莫嫌疎影瘦及與欠清芬

落日汎舟拉趙寒泉劉成道

雨添湖滿綠浮堤高柳搖青接葑低覓得晚涼舡便住背斜陽  
處聽蟬嘶

送潔老歸碧雲新居

小、如菓便稱懷隣無百萬買洪崖炊雲子熟呼仙餉借雪精  
游與俗乖禪謬分燈傳口耳耕寧合耦外形骸田中大義休提  
掇定與諸方打不諧

宋兄安卿墨梅

清婉渾非鐵石姿故家別調合傳衣華風不療春痕瘦可是工  
夫不造微

鳳泉初月

一痕隱、介亭西庾亮樓頭未醉時多是團、深夜看可曾見  
此巧如眉

臨安長官趙兩山約觀將軍木石鏡玲瓏山淨土寺

逐鹿區、百戰酣道邊誰掩大夫慙錦山錦野幽尋地獨對將

軍憶召南

右將軍木

堅中素蘊獨晶、異質潛分付日成泐盡燒痕猶反照菱花多  
是用常明

右石鏡

斷崖飛磴徧題名刻盡玲瓏老石英欲寫苔痕酬勝踐偶然天

籟不曾鳴

右玲瓏山

敲鉢何如款段騎襪頭番著副約絲胸中天地無人識只有橋  
邊白鷺鷺

右淨土寺政黃牛

威德方丈桂著花長官趙兩山相過

舉子忙時節秋庭桂子春暫分滄菊伴來款種花人容影窺簷  
小繁英趁月新發斲盤錯外樹下看修輪

臨安長官號兩山

小築難謀似鷺營卷簾容鷺賀新成綠抽萬玉醫人俗青出雙  
螺闖戶明家與宦貧寧免仕援教鶴伴不須驚紫荊花下庭萱



老濁酒狂歌燕弟兄

雲天瑞所藏李唐風雨圖

砲車卷東南白晝沙石昏悠然隘西北頃刻潭湫翻晴  
畫黠迷江村乃知筆有神巧剔造物根信意潑濃墨  
不見墨痕但見平林黯木欲折輓底怒浪掀天渾平地  
十步九蹉跌奈此倚岸舟如盆得非折天柱恐是顛崑崙  
不然菸菟觸膝下巨浸潜蛟勇鬪濤山崩空江冥不知  
曉更無一箇閑鷗鳥斷岸微茫水亭小三兩重茆都卷  
了灘洒雲陰翻然如惜金西子宜淺粧濃抹尤清深於  
戲此妙不可尋百金一筆不足臨掩卷袖手空沉吟

送侍左秘書高疏寮得處州

一水分吳越幽思可得分軟紅援汨堅白掃紘富卷投囊  
草芳餘辟蠹芸傍池雙宿鷺留得水邊雲  
詩人去作州需次小遲留風物收題品江山怕攪搜竹涼深處

榻萍醞醉時甌見說三岩好回書話勝游

送宋左曹得温州

翁居藩輔久未季又相先萬石不足數一燈無別傳家声青瑣  
闥風味赤城仙好是猿啼處霞標最近天  
數峯江上青宜雨亦宜晴著意畫難就助人吟易成縣官懷近  
郡郎署暫專城况是烹鮮手襦歌屢有声

寄安撫曹觀使

君子不宜閑中有節文檢方醫竹瘦圖蔓發蘭薰見說新添  
鶴頻留欲去雲應無浮俗事嘈雜玷清聞  
筭簪抱節癰風味似棲居自是宦情薄容教杯酒疎掃除新築  
室收拾舊觀書何必陶元亮斜陽自荷鉏

孤山彭高士借榻

萬籟笙鏞一枕秋幌雲垂地月痕收偶然做得還鄉夢見鴻  
濛與道游

月渚

秀色老千岩，虛小鬱藍水。明收晚照沙，暝展暗嵐野。餽隱淪  
共清游，名勝談中秋。無好友，舉酒便成三。

寄福州李伯達

神林沈氏館客

江漢歸來重訪尋，貂裘未弊亦塵侵。碧眸憎俗重扃戶，白羽扇  
涼一援琴。池草易生苔水夢，蓴羹難老故鄉心。有書若問東陽  
瘦，記遣神林問惠琳。

輝船窻見過

北岩戒壇絳稅駕，過湖問路扣吾廬。擢侵葑畛輕於葉，策盡松  
陰緩當車。圖上衆香和露寫，袖中經卷殺金書。飛來更踐重來  
約，莫遣山

送魏貳卿之靜州

一其所二一成，非揆以人情。萃必睽鏡，豈有心私。應物楚如不  
衆敢，咻齊瘦歌雪。萼難諧俗勁，錯霜根弗肯。低响淒芳塵，猶可

襲賸收赤箭，就刀圭

春柳睡鵲鳩圖

麴塵縷，鵲深棲。寫出章臺二月時，幽響不知何處。喜一聲鳴

鶴聖先知

破山高僧塔

寺倚四僧傳，僧今已蛻。蟬塔隨蓁棘，老德與苾芻。全翠滴添衣，  
重雲低染屨。鮮何年山脊，斷飛去玉琬。蜿蜒

破山瓔珞檜

雪枝新縱，霜子舊玲。溥露煩添綴，縈風緩剪零。貫珠煩蟻  
度，編貝倩誰經。瑤草隨山盡，來尋千歲苓

醜趙西里游虎邱

相携上鬱栽，舟似葉隨波。寺壓秋痕瘦，雲沉古跡多。遠舒高處  
望，清遞隔舡歌。盡寫吳中勝，新吟細濯磨。曾說劔池游，風煙入  
校雠。臺孤頭點石，窗迥趾翻鮪。彩鷁山前



棹青鳶水上樓暮関須小待款曲盡觥籌

蟲口

未謀人國已謀身往事無從問水濱游鹿諄猶在耳平湖淼  
淼忽揚塵寺明丹堊依簷古樹飽風霜老節新又理闔閭城外  
權更無鷗鳥傍青綸

楓橋酬張季思

欲喚扁舟一訪尋開忽同揖小狻岑風晴墮葉声應燥目遠孤  
鴻影易沉餐為菊英聊緩帶醉回雪草小低簷隔溪半夜踈鐘  
到定有清新入短吟

分題畫策得山茶

綠枝丹葉未春回生色潛隨采筆開欲伴高文歸大冊道山延  
閣小蓬萊

寄三衢使君趙寺丞

希綦子選儲嗣不應詔

刺史天開卷暝雲廩姿如玉照人明蓬萊地近異塵世箕穎風

高凝古情度外峻超千丈俗春來又勸一年畊屏蕃王室皆同  
姓况是金甌覆姓名

續賦祥鑿義梅花

香國開樓居桃李合戍邊移根賞竒怪屢舞却錦纏靜聞竺友  
吟粲若春雪妍暗馥騰鶴膝蒼蘚腥蝸涎既明紅紫倫更秉薰  
猶權壠樹寒自零苑柳暖自眠透蛇木蘭後揖遜凌波前凌波  
不忍去步月時踰躔

復老歸東嘉予亦洽還蜀之裝賦別湖上

華風不常煖華月豈常曜冷、弗鳴條回、自反照野馬空昧  
目爍火謾騰耀誰結螢囊口寒原並秋燒誰朽土壤腹夜壑哀  
萬竅向迤雖暫熱憑力亦易悄悠然付靜勝了不直一笑山林  
隱君子浮俗固殊調華風起蘋末華月桂林表既安雲霧妬疇  
忍塵雜擾角嘆一麟足鷄洗百鷲少弱水三萬里蓬萊眼中小  
况夫左傳癖舉世不足樂亦復烟霞痼沉綿頗相肖云胡去留

柄坐困任士裊揮手從此別掉頭莫回眺愛惜雙眉庵脫略萬  
事了龍翔解懸榻雁宕拓吟徵摩娑送鴻日擲弃連鰲釣雲來  
寄心思臨風一長嘯

書六一居士歸田圖

賦田中樂駕言歸勇決如何得似詩、後退之盤谷岸畫成猶  
是未歸時

孤山後

采鷓浮春皓齒歌延祥觀後晚偏多可無人物如張緒只是垂  
楊不似他

石林諸孫葉子雲左手法二王逸蹟不下右手

桐軒法鍾王人鮮出其右出奇左運腕亦復龍蛇走悠然伸勁  
畫壯甚紫鍊鈕杳然變道古、藤瘦牽糾輕墨蔓如縷大者大  
如斗故家翰墨場有此擅場手星、滿青鏡入眼未始有四支  
同一初視聽有常守執捉與殘履造次各先後云何互其用落

落便相偶猶來幽人心固、淨不垢衡送一机透衆妙俱輻輳  
逢原盖自得左右均去取枝葉隨根本股肱副元首一身小天  
地默窺元化母

廬次夔下第

得失見君心令人恨滿膺諸賢品華玉四字獨蒼蠅留取攬前  
步來居向上層趁將春未去載酒嘯吟朋

杜鵑

諸公批得及分數  
陳批云深古難曉

舊草堂東水竹西年、只與落花期長亭今夜声連曉愁似經  
年病拾遺

橫翠閣

闌干曲、西待得夕陽遲展畫真成贅無詩却不宜鴻雖供晚  
眺月欠掃新眉安得冷然御來觀烟雨時

太守陳中書問彰教近况

徐君舊剪芥小、亦堪巢野客便招隱閑情賦解嘲村疎難得



友葵熟易為庖鼓吹分蛙部琅玕長竹稍瘦尋殘火種况剔故  
書抄北嶮雖移檄西湖未絕交貧優寧似負推固不如敲自審  
如衡石誰能較斗筭曲池風力皺缺甃蘇文四曾枉行春旆芳  
題滿近郊

陪陳中書游西仙堂 小謝太白

透雲兩鴻鵠何年忽卑飛指爪泥上留弗與歲月移大聲疾瓊  
琳萬竅不敢嘶琅然蒼空山玲然震清溪俯仰半千載日春  
菲緒餘及草木竟莫知坐令萬金產不直五字竒江左  
數六謝選中輒見推清新輩阿連亦豈媿客兒 江左諸謝見於選者六人希逸  
無詩宣遠叔原有詩不工靈運  
惠連元暉共有六十四篇三人詩至元暉  
益工然蕭散之趣亦復少減漸有唐風矣開元天寶間有客償心期玉頰沈香北健  
筆揮珠玑天威不可傲人爵不可縻此邦非故鄉每至輒倦歸  
樓居寄逸想更較先後為有美池上仙廬岩壑姿輒飛兩公  
後怒若飢渴思作堂肖公像疊嶂雙溪西幻出天上人對峙玉  
羽衣乾坤浩蕩春盎在兩眉清冰照人冷恍如吟嘯時冷

氣欲仙擬弔游龍騎世隘烏足容才大不得施至今騷雅流臨  
風揮涕洒

淡墨水仙梳子

爍石流金記曝根古壺疏插煮泉溫翠扶柔玉春無力獨與華  
風伴月痕  
六萼剪腴透玉明六椏垂實趁秋零眾香醞藉須彈壓笑挽凌  
波賦鶴鶴

陳紫微赴召

帝輟詞臣重撫綏次邊尤軫大江陸百篇斗酒玩萬物十雨五  
風終四暮謠頌不遺纖悉美形容難盡許多竒縱龜放鶴朝天  
去豈獨江東列郡師  
苦心如檠廩於水羸得衝冠雪一簪千載四明登陸處三生五  
月度瀘心清冷烈暑生秋思諧協涼薰入正音今日憚公如憚  
黯試看塞柝夜沈

陪陳紫微麻姑觀

不憚朱砂九轉遲絕憐峭嶮令君痴一杯幻出新春玉更聽人  
言狡獪為

題槃姪峴山秋晚

分明寫出峴山詩隴對初寒晚照低掩卷只思人墮泪不思量  
到白銅鞮

續當涂別駕林率庵賦謫仙李翰林

齷齪復齷齪未死如未生公去月明在田得青山荳青山倚公  
高屹立千載英翠燿拓吟壘飛瀑按酒兵行客一仰止折幾鄙  
吝萌狂歌長短吟邁古日月明俊逸魚鮑謝麗則儕雲卿驂騑  
博艷姬土苴群方兄節峻玄霜嚴義重紫禁輕酌土長燥雷  
魁何由平生男禁多才此話聞阿庚真才弃如土大厦誰支傾  
不用謝安石大雅空垂名

白荷花

數晦澄漪不用耕移根玉井不曾耘羽衣何處霓裳徧翠蓋參  
差踏水雲

白蓮雨後漸衰

曉池芳柄裊殘馨褪雨歇風鷺委翎碧展一奩秋練似憐玉  
色鏡中零

送趙丞慶州之魚士

歸裝又逐西涼去輕省還如赴上時庶者固宜踈任計富哉只  
有送行詩貼天自與鵝鴻舉鉗命誰容雁鶩欺它日宣城廳壁  
記歸然一樣斗山思

三角亭

成規與俗殊鼎足外無餘曲是從前惡圓非近日疎神山分檻  
小槐影直簷虛要識其中趣明舉一隅

憶水芙蓉木芙蓉寄西湖諸友

竹涼池館綠荷風同看吳宮小隊紅小却亂紅深處權西陵橋



北斷橋東  
花滿秋城闌水明鏡中滴露掌中零曾讎新詠游花下寫寄城中石與丁

灞橋風雪圖

橋滑驢僵噤不嘶詩窮弗死友窮詩華山也是吟疆土更欲煩君寫倒騎

次韻林別駕率菴

官分長貳榮樂事勝專城避俗如僧定尋仙結伴行吟疆寬處  
拓醉玉醒時傾擬叶墳篋響邯鄲步不成  
往往溪頭寺曾陪太一舟港收天影縮橋礙浦雲流練石声  
月丹楓片：秋砌蛩添苦思吟動滾西愁

次韻謝學士

廩姿行復偉衣冠螭亦何曾恥暫蟠入夢少曾忘博約得書多  
是報平安雪零短髮新尤甚盟近黃花舊不寒肯入亂山相勞

苦密雲香鬱破團：

對菊寄王常博

鮮風嫩日養芳新來會閑人九日盟相澤畔吟騰曉馥就花中  
隱著修名碧浮賸嗅茱萸醖黃落誰搖沈澗英商素雅為仁者  
壽薦甘斟碧輔清明

題張雪湖吳山煖暖

山藏掩霽封藏雲十駕難追欲去春鱗砌古愁千萬緒因君開  
卷又重新

次韻玉堂盧蒲江省中木犀

一種分蟾各自知人間不似省中枝繁英盡委開仍好幽馥先  
來去又遲雨後莫忘秋曉步風鮮曾約夜涼吹小山縱有淮南  
賦可是蓬山欠景差

盧蒲江雪夜約同直省中出示采菊讀書煎茶種橘

四詩索危秘書諸名勝同賦

拙須務速巧須遲盡巧依稀與拙宜除却藝蘭紉楚佩友騷只

有落英詩  
糝葵負腹媿便、偶上蓬萊借榻眠夢過子雲還問字夢醒龍

液冷無烟  
亭、古砌剪霜苔密瑣踈樞冷不開紗帽籠頭防俗客小團新

錫上方來  
青蹙低枝欲破香秋逢風燥未曾霜枳著江北令人笑更試仙

山與道鄉

盧蒲江四詩  
旋移黃菊不嫌遲晴日霜庭晚更宜開倚石闌衫袖  
薄偶然秋思入新詩  
細字燈前老不便小齋新冷夜無眠數聲牆竹蕭  
雨一縷銅爐淡煙  
秋庭木落長苔寂寞東岡菊自開惟有詩翁幽興  
熟每携茶具竹間來  
小擘枝頭滿袖香累、秋實正宜霜每來長是移時  
去為兩風流似故鄉

北碕詩集卷五

北碕詩集卷第六

聞雪湖張簽判計子蒼

嘉興陸長官遺我尺素書報云鈞天詔九地敘我好友張雪湖

雪湖翩、上天去下眎塵滓如何如因依未去時冷然山澤癯

萬象困摻攪撚斷蒼髯鬚十年不調閉戶居鐵石不受煙火腹

辟俗如辟豕負塗後來稍、低簪裾百步掩鼻猶反趨官高金

多嬌妻奴蠖蠓亂眼才斯須填門只有長者車北海尊酒無時

無明朝一鉢欠宿儲印泥指爪嗟鴻鵠精明定化為蘭菊紉稱  
騷人陸離佩英泛綠樽澆魁雷騷人之腹秋蟬清吐芳騰馥日  
日新紛、郁、仍輪囷散為天地無邊春  
吳提幹之官淞東時狀元赴闕  
未季振華裾晶、照上都對床風送雨隔岸越分吳池草冰漸  
煖庭萱玉色腴綵帆飛曉鏡拂拭賀家湖  
吳狀元赴闕屬陳兼僉催送行語



細把前朝聖政推，婁教龍首到黃扉。  
自南渡後從頭數，比舊京時過眼稀。  
磊砢固當為世用，雲風端不與人違。  
采薇只在丁山下，亟佇青鸞入翠微。

白藕花寄表狀元倉使

澄練徹山脈，玉透山池沙。  
老火奮殘燄，廩姿燉不瑕。  
方方秋一奩，彈壓紅萬葩。  
安得濂溪客，來賦東林花。

立秋前一日蛩響

大孕金英眇未抽，學吟先報短檠秋。  
傍窗裊裊清如縷，明日西風一樣愁。

寧國奉聖寺有許渾舊題

題擅五臺賓，山名益著聞。  
禽珍騰逸響，草異薦奇芬。  
壁可曾留錫，簷樓欲去雲。  
塵鷲避三舍，不度碧溪濱。

當年聚石賦，全提斷處飛。  
梁險處梯鐵，辰霓腰疑水竭。  
玉王仲象次復齋矣，左巖補陀岩寺韻。  
寺有象鼻岩，渴霓皆在致。

準卷雲低危於漢使，回車坂深似秦人。  
避亂溪鐘梵殷床，連夜

旦相忘猿鳥各安棲

石如虹至水際，余名之曰渴霓。

直杼千尺怒，豁訝高貼雲根枕。  
水涯水竭欲飛仍，小住研轟欲

跨阿香車

復齋墳前左顧右龜

寬暑密罔，斷江流好在雲巖。  
莫浪游我欲黃金如斗，大斬新左顧鑄餘不

清隱寺乳泉 復齋作記

脉通九地各東西，洗盥曾分牧女糜。  
萬斛從來不擇地，試看一滴汎華池。

仁壽堂

闔開蕩域中，天朝菌靈椿總天年。  
鑿井耕田皆帝力，不知誰黨復誰偏。

奉聖寺江閣

散衣江閣撫疎簷吹徹西涼已屬饜得隴未終還望蜀半規更待月纖纖

隱山

小嶺明、屬小支傍山論價與山違巢由去後箕山老夜、天雲隱少微

酬當塗何戶曹畏齋金陵三篇見寄兼東餉臺上幕許從道

山木凌秋似鬢蒼靜觀浮俗飽炎涼喚回猿鶴彈三疊話到陳隋笑幾場雲度閑情疑路斷草生竒馥染林香莫乘殘照催歸騎白下留門慣漏長

筆畔白首不逢年間得新題似得仙磨透鐵澆空私費力吟殘金薤弗成篇未忘陋巷希瞻若不信長虹死浩然小駐行雲聊寄恨莫為愁雨濕吳天右悼杜仲高

松根葛藟亟板緣勢極青冥恨不前鶯閔好音春不響鶴嫌遺真夜移眠回頭華表一千載開眼檀蘿十九年想見息陰羞惡木

克己齋

斷菟嶺海吊諸賢  
罔念聖為狂鑿狂亦有方正達道穩審私孽殄微茫蛇俗嗟封殼耘心破吟畫它山石攻玉日用細平章

雪屋

霰集夜來寒樓寬楮幌鮮花温新換水栗爆舊存檀夢草疑非蝶吟肩凍聳鴛蓬婆界天白皎、五雲連

麗雲閣

零雲閑占地飛閣小侵天日與孤鴻去帆駟短艇還綠蕪秋野外烏戍夕陽邊只尺闌干曲丹青色、全

西菩寺三題

踵息如龜小作巢霜零竺子綠雲交六爻動著如雲變輒莫其中



動一爻右藏雲室

本來無垢亦無塵、垢皆從洗屢生哀、潢流湛華月腫臃無  
夜不鮮明右滌軒在參寥舊房

蚤覺元龍不足豪冷然步武老嫌高刺天妻見群蜚下欲駟晴  
電看抃鰲

### 江東李倉使節制移浙東倉使

千幅紋邊著意深池陽有鐵佛足上有姓李者又有舊主僧名明者公與報恩明老感此而別造寺龍門檀越識重臨旋螺

數髮為公壽卍字捫胸印此心玉節風生淮岸曲金輪碾霧越  
山陰誠明空覺曾無間磁石巖、一寸針

### 喜雪賀趙守

不見鮮明剪綠漪焦勞夙夜動精祈臘殘雖缺三回白歲閏何  
妨千日遲孰謂天高催不得自知心感弗曾疑靜中觀破玄冥  
巧留作新春第一奇  
擬絮因風又擬鹽只今此話可曾拈待將巧思形容盡合避新

條比類嫌褪煖已先雲惜頰挾寒相次雨廉纖落梅聲裏渾如  
畫圖、橫陳透玉蟾

### 送春

曆頭恰、三月小銷減欲去未行春祖帳不知春去處清苕拍  
拍柳晶

### 開田

曩說琛師邁往賢不將大義答開田欲懲後世人尸素敢昧前  
修自棄捐把似誕謾規信施何如勤苦佐豐年鑿頭邊事起今  
古僥倖逢年是偶然

### 孺子祠堂

鈎黨開端慘弗舒懸知隱逸未全疎姦諛孔熾吾何與名節雖  
高弊不除盟鷺相忘尋水宿冥鴻那復死巢居瀾翻平地渾漂  
泊奈此悠然一葉虛

### 竹里範洪父

詩六

一晦搖湘綠漪，與靜宜避人。酬橘隱延月賦襟期，鶴至自華表客來歌竹枝。謝家蘭玉富不似錦綉兒。

酬盧直院新荷

愛此青錢小，移舟傍淺湄。團青迎浴佛，脆綠未巢龜。翠幄鈿孤鏡，瑤田葑四維。微風翻嫩紫，半捲欲開時。

泣揚承奉

車終閉戶成輪未碾青，冥蘭天騰餘馥。蕭榮獨欠馨，方看過秦千續草。太玄經早惜黃陳，死無人哭。小邢

任大卿出龍眠度水羅漢

子載

故家尋釣鰲遺俗，問佛世喜逢十六人。不聞四句偈，風姿如隱繫服御。乃古制開卷發遐想，瞪目得熟晚絕溪。將安之深厲淺則揭，岸登植瘦策石踞。整壞毛氈預流逮，無學勸進憚勞勤。歸然望等妙，迢迢苦跋躓。悠悠馬不前，齷齪駕輒稅。弗悟燕安毒，遂失遠大計。雙林受遺託，久視不得逝。豈知古龍象所向，必超詣。

弗踐極則處，弗到弗小憇。竭來吊形影，相與話情契。丁寧勇着鞭，同振大方袂。

出入韻寄陸溧陽

放翁李子

溧陽令尹果誰歟，陸少蓬翁小伯魚。佳客來時須問字，丈人好處略瞻烏。俸錢搏節開家集，官事那容讀父書。獨欠舊時窮少府，琴堂相對撫吟鬚。

插田

秧穉繞成後，溝塍蒞事初。淺車防岸缺，密插趁行疎。處、隣相饁奮，羨旋除夕陽。歸牧豎牛背，數畚鉏。

刈麥

恨入崆峒渺，偏於麥熟時。謬將勤補拙，愧在素仍尸。仰識陰陽足，豐酬餅餌思。秋高禾黍實，不與宿根期。

靈隱方丈新閣接泗洲

毀之

鄉來屋老拊嵒稜，欲上看山謝不能。衡跨半天開複道，直從平



地到危層上方近聽嬰兒語前塔遙分竺寺燈昨晚亂雲收急  
雨憑高如望海濤崩

長興大雄寺陳朝檜

霜皮重複裹莓苔不見君王過沛來好處莫非前輩道後生知  
是幾時栽陰分背鄉青如舊心愈剛明死弗灰却恐登壇騷雅  
絕亭、似把碧油開

泣錢長官竹岩

十年同約故園歸指點雲西鳳翥奇錦綉裹山懷舊俗琅玕披  
腹吐新詩更無人悼淹翔屈只有天為慷慨知令尹子文三已  
矣悠然喜愠不曾移

掉鞅英躔並雋游大巫皇恤小巫羞未將所學酬知己先與他  
人作忌因諧舌不中投虎兇絡頭長恨死驂騑山林獨有男兒  
泪可是無情涕泗流

寄趙仁和安僖諸孫希呂

劇繁迎刃聽裁剗化自京師守令宣處默有聲長殷、所聞無  
善不拳、戚聯闔闔天雖近下若滄溟德更淵任是靈椿根力  
淺也應凡草不齊年

即事

竹扉半掩不須敲掠面融風著柳梢燕子不知春寂寞自銜泥  
補去年巢

一菴

太極含三示極談初無一字可名菴明、未畫前消息才落思  
惟便別參

和睡翁輩仲至賦頤蒙齋贈澄元妙

靜倚松門掩夕扉不知求已去求誰翳花旋掃無留蒂蒙吝終  
消即善願象象尚堪明古意茆茨聊復傍寒漪是中餘地藏緘  
默何處人間更有詩

竹巖賦孫谷橋墻間圖人徒知獻諛可罪竹巖取受

諛者併按

寧圖豕負塗母馮乞墻圖枉著迂音思徒將媿賤夫矯情工諂  
媚失計墮闕閹逐鹿身忘友止羊口謾糊飽雖今已王飢解把人  
駢毫髮無新計朝晡只故吾有如板佞倖寧復顧椰榆竭澤先  
崇貨傾城後進姝匿瑕彰外潔飾詐護中誇豕燎難逃虱城崩  
熟繼狐知幾屬明哲先物在斯須寵數占忘醴歸心憶膾鱸東  
籬懷醉令故態舍狂奴鴻聽雲沈跡龜寧尾曳圖盍觀薇蕨瘦  
弗與割烹殊不智方能諂非愚肯受諛欲邀天爵貴庶耻乃蓄  
會

拙齋

大巧曾聞竊得靈主司閔籥鎮隨身巧還有盡無如拙却笑天  
孫未識真

盧玉堂報遣人問訊水心

用舍見人物抑見天地心生人於此時所繫亦以深時或薄其

祐全力吾不任向來鄒魯人抱此空沉吟此身眇如芥列國紛  
於鍼芥鍼求抵當機括常差參沒身雖不遭道在終不沉腫腫  
千丈光照耀不啻今公乎鄒魯傳軒冕如山林我亦山中人不  
忍鳳鳥瘖加餐為公禱以荅天地心

聞謝司直晦齋赴闕

謝老久不見引領豁雲隅想隨鷓鴣行華簪小踟躕薄俸不暇  
給素約不願餘棋局消長日局終還擁書、中有何好剔抉排  
根株飛電老逾碧分毫惜居諸一燈伊洛傳固、分庭除鄉來  
鯨吸川今也川泳魚靖節老止酒亦復自荷鉏悠然羲皇上不  
知今何如

謝晦齋倅嘉興

春風藝蘭蒞采、山之阿廣庭拓餘地華風日編摩芳潔漸可冀  
榛莽常婆婆紫芽茁新馥薰蕕相錯摩引類連根株圖蔓費芥  
柯何知種植勤苦心忘鬢皤九畹與百晦恨少不恨多疑、謝



庭玉比德元同科餘光燭檮李散采搖清波太湖跨三州如此  
明月何

淨照律師葬母塚上生芝十二莖闕子長續倚松饒  
德操賦詩後九十餘載余亦賦

尸羅為源孝為根一根豈止十二莖沉香亭北爛繒綺浪花浮  
藥爭欣榮暗，泪滴塚上土只有天知此心苦地靈薦瑞天不  
新付與千人萬人觀詩人史法語不浮旌孝筆端回萬牛紫芝  
不老亦不槁兩公之詩更新好

權歌

後夜腫臃魄載生官塘猶自有人行十年滴盡征人泪不盡彎  
彎月子聲

悼志首座

花雨散初筵歸來耨寸田行空梁復道拓地閣諸天木槁春長  
在爐冰火不然旦評溪上寺猶自說耆年

送趙栖巖分司池陽總幹

九華空衆山尤物在塵寰迥出雲雨上朝來眉睫間有人皆毓  
勝無豹不藏斑官舍軒楹豁憑闌莫掩關

鳳翥行 寄錢氏孤

破輿不自簾不旌短長後先白四丁旋牽毳衲裏秋鬢月露點  
滴垂青冥平明驅入三家市，人驚見左右視笑云非病非亦  
狂不與人同與人異抑非湖海空橘陳不老不死亦不靈不然  
天台石橋寺丹碧剝落泥應真須臾一棹脩門去却遣破輿歸  
鳳翥謂言只借此樣僧非此樣僧莫借與

於潛尉陳時齋獲賊

小隊氣晶，平常白面生沈寃資大勇兇膽折先聲山鬼晨猶寐  
隣屍夜不驚歷陽窮少府此話恐難并

九日

西風只識黃花面不識登臨吊古心空打益嘉烏帽落挂人唇

齒到如今

寄寒泉 趙未迂

貧則安之豈病焉乘桴未暇况箋天翰林足避將軍汚內史灰  
從廷尉然口伐固應無天教莘耕元自有豐年講明人爵君何  
欠只欠蘇司業酒錢

後潘

後潘水上竺仙家領客來分竹裏茶明日歸時須記取白蘋賸  
采半開花

前彎

反關蓬草了殘書弗到前彎一月餘不見蓼花紅照水安知秋  
色到西余

九日

瓦鼎松聲漲苦茶替杯中物泛茱萸白衣不識緇衣客自擷寒  
英挿古壺

霜曉

江楓霜後醉痕朝商略隨風趁落潮勾引梧桐三四對不留一  
葉到今朝

廣教不厭亭

李白云相看兩不厭只有敬亭山譏同游者也

眼挂層崖醉益青旋疑身是出山雲一泉一石忘情地都作鴻  
溝與俗分

趙府錄官滿

謝晦齋宅相

平反固盡情此話久彌新動以中為的居嫌怨寡隣暗螢方自  
照屈蠖倩誰伸好在庭前樹長懷雪後春  
蕭洒宣城掾仙源似布常欲疏伊洛正不與父兄違霧隱雖如  
晦胎仙弗願肥暮雲無限思金溜一竿微

送沈少卿燮

懷哉小隱侯如水秋練又若廉泉廉練江靦言面一介不取人振  
滯亦賑貧秉彝不可效實德無虛名我欲借寇君九虎限天海



不知穹壤間誰是冠君代行、拜新渥新紉紫荷橐何以為雙  
壽楊州一雙鶴公有堂名曰雙壽

按曲圖

八繭蠶抽獨繭絲舞衣嫌重要織絺君王自按霓裳曲直到坡  
前駐馬時

移梅

雪消時候帶花移花笑移遲不振奇今歲弗須嫌早計趁它一  
點未開時

移梅竹謝彰教寺事

蒼玉根連白玉條濕雲冉冉碧蕭蕭、花含鼎實宜先發節笑心  
空貴後凋友此雙清同日種聽它六出幾時飄不如楊柳江邊  
對惠淺恩疎怨不消

畫虎行

是中毒厲無停輟更復外為物我謀汝寧殘暴我寧尔爪距鉗

利何從投形與氣侔天所命陽盪陰摩成厥性劃然殘暴反其  
初一瞬回頭如失影不隨形竟何有直與太虛為戶牖李生解  
衣盤礴時筆端別有百步威

代人挽竹岩錢長官

絕筆走龍蛇光寒瘴水涯賦寧為問鵬騷不反懷沙秋老半巖  
竹春歸三縣花誅姦埋古鐵英識欠張華同官為更侮公以智戮之

代人與趙倉使

江淮倚襄沔兩紀當分擘皇天愁一老一正遺萬羗長城蔽江  
漢雙駿騰渥洼英靈萃千載智勇出一家以德不以威以靜不  
以譁以信不以欺以儉不以奢躋人上衽席含哺相呶啞胡馬  
飲江水猓颺掃薰葭月明戍樓嘯風急秋城笳邊勳一夔老吏  
筆五色花遺烈在伯仲奎畫崇褒嘉遞迭吹埴篲嘈雜空淫哇  
玉節飛先聲一道爭傳誇單騎造閭闔三舍日未斜野藪飯山  
館龜手瘦馬搗霜雪敝衣稜敢憚千里遐雙旌與五馬所至弓

刀遮慘舒出碩昭輝先生齒牙笑公後其樂白日無精華次邊  
隔江東余湧無從賒赫炎苗不蘇歛灑巧不芽紫葵圃不畦黃  
粟山不奮扶携及襁褓顛踣如蓬麻相者盡菜色槁立疑帝紀  
精明見家法了事才吐嗟所急先民天以次清胡沙

聞澗泉韓仲止計

南澗之子

賈園華月鎖重雲底處腫：魄載新空使霜蟾同轉轂不容玉  
斧伴修輪身雖全節扁泉戶天亦何心死谷神窗外竹間梅數  
樹為誰消滅雪中春

謝江東丘少卿漕使

宣州趙知錄中罷三分水花苗

宣城阡陌連當涂山田瘦瘠巧田腴築塍作坊九十四頻年風  
水巧為湖巧中飢氓水入戶私迫公催猛如虎三分更索水花  
苗名色創聞氓不論流移轉徙道邊泣併日不能謀一食有生  
誰弗惜天年望：誰寬倒懸急江東使者愁上眉怒然軫懷若  
調飢疾呼官吏訪田里蠲租除賦甦顛濟勸糶開倉賑寒飢氓

命垂：出湯火貪殘俗吏漫窺窬狡獪猾胥成懼愴家：禱公願  
公壽千億子孫天地久宣城彰教佳山人斐然相此歌謠聲

別宣城死僚府掾二趙東諸名勝三十韻

唐堂書

大緘遣吏贖小緘手自抄兩緘九鼎重只覓一把茆把茆住山  
人莫識所以然或云尔當去雲毛毳風翻：問之何因尔拱默俟  
風肯就列乃陳力尸素輒屏弄靜推尸素元辰轉竟未安一日  
不自營一日不敢餐竹疎不肯蕃梅瘦不肯肥豆瘠不加實菊  
瘁不受醫種植係勤墮肥瘠繫天時極力敢不勉强智終奚為  
年：縣官租急不啻星火今年水粘大經冬首陽餓人言尔何  
愚再：霜茁顛料不閱墳典豈暇觀奇書所學昧日損區：使  
人忿不識諸方玄况復衆妙本列刹鼓鐘沸四方走檀施問尔  
胡不然我則異於是爛安只牧牛琛師獨種田老農與老圃聖  
智願學焉日：洗盃盃吾豈尸吾廬丁寧勿它升只升山澤癯  
謬聞世道隘樂此山林大山林今復然老我不足汰西南天一



隅首丘亦有孤雲為故山雨珠曾還合浦竹扉閒無人栢子芳  
媚雲貝葉照窗几沈潛報知己

百喜圖

比翼飛梁跨碧尋玉繩低轉夜沈沈一年一度叢霄去却下人  
間送好春

謝權府惠府判辨祖相死於邸中非商賈者

跼踏復跼踏何以昌山林華風日過邁謬恐山不淺層巢墮孤  
雛一壺藐千金苦心念惇獨霄涕翻秋淫  
天書少室價賈豎晞天恩一錢一滴蜜不甜雲水僧冰檠寧苦  
寒貨殖其何能炎岡鎮烈玉石難分明

二月十三大雪

婁慶嘉平白中春入眼踈玄冥疑倒置古史豈忘書凍柳花慵  
笑顰嗟柳不舒物稀端是瑞應不宜虛

送江西倉使魏奏院大有

養廉便似挂冠衣數米晨炊度百鱖一節易為千里別萬金難  
售十年閑舊從石筍曾招隱新種梅花試住山老去益高華玉  
價區少室謾追攀

題水仙梨花菊蒲萄栢子

澄鮮無地着樓居自惜娉婷鏡碧虛青女不知華玉煖綠扶綽  
約翠霞裾右水仙

楚水縞霧縠裳鈿華銷盡弗收粧曉雲不入朝雲夢賦入閑  
居亦擅芳右梨花

蕭爽花中舊隱淪名齊宿莽著騷經殘英只傍枝頭老收拾芳  
鮮飽獨醒右菊花

藤窠翠朵剪輕柔小壓消翠玉流一石可償十日醉涼州未  
必似揚州右蒲萄

嫩玉溫柔淨弗瑕涼雲綴葉借春華水風池閣簾櫳靜小試微  
薰著一花右栢子花

采石弔古

高情付酒卮心事洗咸池醉誤飛蟾急吟嗟取日遲竟天鵬不  
展酌海蠡奚為風月三千首何須竹帛垂

就以道池上假山

数朵忽橫翔雲生午樹凉恍如江上畫移向澤中巖絮落魚翻  
影花飛蝶趁香却疑閑日月只在此間長

送碧雲菴主歸江西

碧雲獨擅香城勝近與唐朝處士鄰陳陶隱居舊出山來空蕙帳今回  
首去歎京塵菊荒尚有霜前馥茶老寧無雨後新勞苦玉泓清  
淺了解嘲怨鶴斷猿嗔

賀曹監秘

陳止齋自外召入秘監曹亦蜀歸作秘監

隴蜀歸來寵更隆舊盟鷗鷺望鴻鴻一時父子俱佳士異代師  
生各少蓬去不用防新蠹損腹須頻曬曉瞳曠道山自是棲居  
樣還與岷峨一笑同

謝陳紫薇致香杭一再寵和仍次韻

精瓊老瓦汰泥沙蜂掠殘零晚未衙功謝囊中食玉法鉢分天  
上續綸家蔓雖引去徐留蒂鞭欲行來嫩上声挑上声芽野菽衆多煩  
釘飯敢從一筋萬錢誇

一掬甘泉煮白沙泉名群峯秀整似排衙無錢買帖臨求米背俗

論文似喪家續遣新吟欺白雪又如活火剪黃芽海商不惜兼  
金價傳向鷄林國裏誇

可能擲米化丹砂寄人更記人間早晚衙腰款直伸輕五斗供慙素

響漫千家清新變雅多奇態鄙吝消它幾許芽不是鳳池提此  
話紛、浮俗浪傳誇

送趙西里官滿歸永嘉

宣城歸到西湖寺朋舊如沙散不收盟鷺又隨西里遠驚猿空  
伴北山愁同途好友須題品可意佳嘉篇便獻疇摘得甘花煩見  
寄趁它大火未西流



寄嚴州高使君疎寮

為西里借舟

鑄劍湖東景緯明，蜿蜒飛去水猶腥。欲從正脉疏清鏡，不信  
回流有濁涇。千騎道山僊，部曲三岩畫。幅老丹青，一帆送客供  
吟眺。數盡長亭與短亭。

石窓代人

凝獸綺踈塵，玲瓏杳數楹。風隨絮入隙，月帶雲零煖。霜寒猶  
重秋，聲夜不扁掃除。平整處欲了客兒經。

枝巢

欲掃蠶塵跡，枚條自改門。籟虛秋漸續，花冷月黃昏。鳩拙休相  
笑，鴻冥倘可捫。道遙與齊物，一不須論。

史孟博作軒

崔嵬方駿奔，斗次又鵬騫。紫翠新如染，青峴俯可援。雲低天漸  
近，雷怒雨隨翻。變化才俄頃，何須問化元。

寄嚴州陸使君

新棠陰接舊棠陰

效翁魯作嚴州

獨向千峯樹上吟，厚俗工夫聊變雅。無

弦音響付知心，雲開老兔絕飛上。塵避靈犀不敢侵，老釣磯前

清可鏡星，應未點華簪。

曲肱室

妄覲或逢周華胥，掉鞅游戰蝸。甘死敵蟻蟻，竟生戾白晝。嘲便  
腹清談到枕流，無人在陋巷。誰識黑甜羞。

贈鄭尊聖

束髮親前輩，三朝習舊聞。橐虛藏缺斲，刻斷綴殘文。耆古尋無  
跡，嗟今獨有君。憐君貧似我，分贈只溪雲。

言趙恕可府錄丁母夫人憂

江東尋勝日月幌，怕寒侵步轉屏陰。玉花桃葉盡金

恕可書云向來太夫人屏後坐聽夜談

區，留客意的，愛兒心有子母不死。因君感更深。

懿質閑貞，訓宗閨著。令儀子蕃，知必貴隣。好為頻移素節，尊勤

儉躬。椽吐倔奇，滔東注恨。何日是還期。

菊磻卜居

王師且願休小為截山留五月涼時過千岩勝處游子耕無父  
業弟唱有兄疇好在牛腰軸丁寧莫暗投

次韻盤隱陸別駕先賢堂下月夜見寄

自與先賢分不生酒船隙地鶴隨行橋闌架碧疑虹跨葑畛圍  
香擬岸橫涼度綠雲花不寐盡餘紅淚燭須更明朝秋思誰先  
得笑聽蘋花與蓼爭

劉誠道訪疎寮

歸途弗辨慶州詩大雅遺音鑒賞稀先自有田皆種秣秣豈應無  
子不傳衣華緘不貴中朝士草具甘分北宮薇老矣菟裘何許  
問搖心與去帆飛

題北山雨餘南屏春曉兩手卷

晴拂孤山破曉陰暝煙猶在柳邊深試從淡墨微茫外商略青  
層到碧潯

綺疏新響轉綿蠻綠重紅輕尚帶寒老去勸舒南宮嘯更將橫  
幅與誰看

贈四明言上人

水墨菓子

太玄談太白淡掃却清新命上忽垂寶鏡中如寫真荔丹晴態  
度桃暈雨精神說與鈿黃手緇雲不受塵

南屏春曉圖

塔影透雲天影曙水暎分吟葑痕青鷺鷥睡起快初日瘦立樓  
東柳外汀

懷趙府錄

知義稱仲子義豈仲子明康章果何事其如通國人國人眼芒  
羊眇視終不親悠鹿為馬擾丹成青軻豈好辨哉隱若不  
得平斥矯如斥羊予孝俾孝信高風既偃草雄辯如建瓴真固  
易為贖亦難逃真至今百世下粲日與星向來宣城掾趙  
擅梁楚聲東書甫言歸議者紛而紘番騰巧如織萋菲駢相新



老我若病瘖不覺勇自鳴掾自仙源來世襲清流盟家法塵雪  
霜厥緒方振、諸父相頡頏渭陽更輪囷位佞賢決雄雌霄壤與  
渭涇軻死雖無傳此舌死不泯不與智者道此道誰商評

送常倅陸盤隱

昔人未強仕不食太官粟悠然于此時已展籥雲足人生五馬  
貴入手勿轉矚我恐州縣間不足峙鸞鵠蜀仙負郭田二頃舊  
鉏玉千年玉不槁丁寧戒舅牧陶山元祐家陶山乃陸  
佃自号文采世相屬  
它日訪襟期需君玉田熟

四香花園

虛空講得四花飛更著鮮風款曲吹直至如今無復見笑憑子  
墨新寫奇

芎谷

賦就垂天起隱淪鸞飛難並鵠亭、池塘早已騰春馥龍麝何  
煩亂德馨虛應有神元不死靜觀無物不長靈雙眸弗見南州

士莫作西山雨後青

續芎谷楊兄枯荷行

水冷秋不痕鏡我雙蓬絲舉頭見池葉怒若絲不滋美人空谷  
歌無衣問秋霄葉胡不思葉紉成衣弗堪著老洲宿渚無蘅若  
水冷可煮枯者可然蕙風撫指浮碧漣腕綠嫩紫仍田、

洗苧歌

白水浣白苧濯、霜不如亭勻棟經緯霜漸寒疎、天質本無  
玷况復隨時染秋陽曝皞、不受紅紫諂丹茸碧縷明相掩玉  
手苧紗秋漱、拜了穿針樓上月細與天孫話新潔

白苧歌

經紗終上機梭飛玉擻、怕君尋春遲落機寬裁衫春心亂如  
蓬冉、隨春霏芳徑曉沾露軟塵紅上衣歸來恨塵污滿衣浣  
紗處難湔芳露痕易湔衣上塵

毗陵三題

詩六

六

闔簷起淵潛濤怒欲翻壁兩雄競厥壯踣領勇舒脊令人未見  
神先悸如見當年李生醉、鄉汗漫渺無津墨蜚素壁風蜚腥  
驤雲掀霧妙入神不特神妙尤奪真鄉來識真人已死朽所見不  
知如此否或謂此兒鱗甲胄幻作人間寫生手坐令五月六月  
間商羊起舞早魃走客自夜老聞天籟逸響琅然風雨晦曉入  
西游柱史家因知壁有蜿蜒吻右天慶道院觀姑蘇道士李懷仁畫龍行  
太平寺壁滄煙浦亭勻剪得尋丈許初驚洶、欲掀天熟視方  
方不踰矩潛珍毓怪疑無數又疑勇鬪鯨鵬聚掩斂光芒不呈  
露定在崩奔漩復處三江既入九派分江南江北相與隣中冷  
一滴渾不得滔、清徹岷山脉故家門掩岷山雲送江入海闊  
蓬瀛山遙海闊三萬里一芥不浮長止、六鰲不動風不搖爛  
銀城闕明霞起回頭觀此破屋壁千濤萬浪尋無跡鄉來有術  
只觀瀾只今觀畫亭無術右華嚴寺水  
故國有喬木獨孤去思處陳祠後庭曠落、肆蟠踞輪囷平地

起婆婆半天去亭、若為高滴翠重於霧冰雪不知廩春秋不  
知數雲仍今幾何梁棟亦云婁攀可梯天雲涉可旂海具玄鶴  
問耆壽老鳳停孤翥前年雷破山裂木如折筋俯觀數州地屹  
立障瀾柱雖云不附麗亦豈無仗助百圍振虛籟言嗟漆園誤  
溜雨四十圍詩史誕彌著鏘然古栢行誰領末後句一晦蔽蒼  
苔四顧空蒼庶

獨孤手自種操與獨孤雙風怒掀秋幹濤翻響暮江卷它新步  
障開此碧油幢千載東歸鶴時來話舊邦右獨孤檜二首  
惠山歸晚辭縣齋小集

癰冰瘡雪凝去声霜漸凍澁苔痕老更高旅雁退飛寒力勁水邊  
雲冷出山遲

偃金竹

扶石霜虬小金膚欠玉鱗若虛終踐實寧屈不求伸瘦卷輪囷  
操寒低偃偻身篔簹舊模寫無此老精神



聽紹上人琴  
悠然勇變劃然鳴古恨沉沉易水生短髮不禁愁觸緒恰如猿  
叫第三聲

賀陳中書除夕郎

小舟回櫂清苔曲林下新傳拜夕郎品固自高庸借重官非因  
大始騰芳人都不到天游處馬尚能尋夜直堂只尺鈞衝住無  
屋萬間庇士可曾忘

醉農圖

楚袖迴旋趁楚歌曲終無策庇青娥番嗟隆準當時樂少似鷄  
豚社裏多

老仙平沙落鴈

楚天如帟字橫斜帟闊行踈對落霞傳得夜來沙上影不傳書  
信伴梅花

台州使君趙寺丞致饋

溜、銀浦寒飈、一涓一滴皆清流向來却立望雲漠腫、華  
月縣高秋霞標一萬八千丈雪鬼霜蟾在其上光分四海涼如  
水小試丹丘一千里

寄黃巖趙長官

昔住白雲城裏寺清標曾揖兩巖高叢早舊憶曾棲棘縣壯新  
傳略奏刀把似山林今日看弗須湖海向來豪時人只識鳴弦  
手不識無弦似醉陶

贈目長老

金猊鐵脊鐵腰頑趁鼠隨狐屈折難因是正因須自信避夢炎  
熱耐夢寒

次曹少蓬梅花韵

澗邊尋得壓殘枝遠寄蓬仙換得詩闌水花多凝雪重漱冰香  
透出山遲笑從秘府朱顏索潔與緇雲素幌宜簷隙一痕華月  
墮伴蟾蜍玉惜貞姿

別陳給事諸公赴陸府判盤隱之約

挂包妃子墓田居餘地無錢買一鉏隣寺笑貧稀住計孤山嫌  
怪索離書鴻雖自去何須送鷗不曾親儘不疎亟欲寄聲尋便  
武只煩三十六鱗魚

吊猿

巫峽第三聲無愁亦怕聽養鉛煩護鼎獻菓伴看經失樹難忘  
返投籠不畏高舊銘曾瘞鶴猿瘞亦宜銘

太守勸耕別駕有詩子弟賓客皆和

華風煖入勸耕卮後苑詞頭欲下時父老怕公歸覲速鶯花惜  
日燕歌遲肥生鴨頂痕遵渚嫩學鵝兒蔓染絲好是東郊元祐  
寺兩年千騎駐旌旗

次韻盤隱新亭

管領風煙一半閑池南池北畫闌間紅添蜀綺漸成韻綠澗澗湘  
瓊過得斑待燕欲歸簾盡捲惜猿蜚去柵猶關種花先課園丁

寂看到叢屏賦小山

梯颺

涼腋拊岩羌可捫叢玉霄一層高步武千仞拔枝塵寫明月秦簫  
斷雕盤古篆消天漿幾時熟款曲次芳瓢

石上坐忘歸

獵井閭起暮寒秋聲隱落秋湍偶然石上聞天籟橫膝焦  
梧不足彈

書壁圖

雨溢蒼崖墨色鮮長安猶自犬羊羶試臨舊刻思天寶末上先  
題十四年

送俞司戶

落日東郊寺春風北固橈三年控吳越幾戶到金焦岸綠晴初  
重汀紅雨後消蒲牢鳴夜半款曲度楓橋

王寺丞後圃

詩六

九



不獨甘棠茂午陰淨如止水照人心樓通閭闔天垂斗雲鎖蛟  
涎鼎篆金袖裏有春還自樂尊前無客不能吟古菱花裏青  
鬢半點吳霜不敢侵

強齋高使君假山

呼猿洞口冷泉灣畫把天真作假看低切一峯庭際立屹如九  
仞坐中寒閑來不覺留連久好處方知闢砌難尤物移人易成  
趣莫嗔強健懶彈冠

題張於潛畫軸五首

百尾誰傳殼鮫真淺縹輕拂替丹青逸群大武如曾見不見當  
時挂角經右李唐百犢圖

昭陽燕子一雙飛涎、隨風懶哺兒可是劉郎無醞藉不教嬾  
御讀周詩右龍眠若首圖

老髮鬢鬢兩髻了天台山裏老煙霞問丘別後無蹤跡又在蘭  
陵故相家右梁楷寒山拾得

玉虎嘶蟾噓萬鼉五雲低處湧蓬婆平生海若嫌模寫如此梁  
生狡獪何右梁楷夜潮圖

飈生涼腋策茶勳欲御剛風度海雲任是蓬萊更高處叫蒼生  
苦有誰聞右梁楷煎茶圖

送王寺丞

公來蘭陵州舊俗如解醒封中小草木蕙、皆精神鄉來矜陸  
梁今也猿鳥馴鄉來矜巧詆今也伏不伸庾序謹夜戶兩載俱  
撤局舟車集大賈庠序登秀民外則倉庫實內則府庫盈此特  
餘事耳外此請具陳時方尚武力習閱鋒選精黃金不愛惜中  
的咸賞勤重信不重金貔貅肝膽傾悠然一寸丹秋水風冷、  
脫使玷如粟孰掩離婁明離婁寂無覩只賦荆谿清

送郡齋兩客

五馬尊前客長沙太傅雙彊侵過秦論騷反度湘江晞露紉春  
佩留蟾欵曙牕束書還小隱靜勝掃紛塵

賓主在蘭陵清哉勝挾水奕機明揖遜酒令旋番騰池草春雖  
度溪藤價益增梯聽卜二曲曲：款吟朋

酬盤隱別駕

早悟玄元一日慈持身有本是無私或將重帚傷蟻蝼弗買生  
魚餵鷺鷥桂實松高宜壽此竹清梅瘦亦如斯吟成換得神仙  
骨不枉憑闌撚斷髭

隨官曾讀頌中興符竹將分第二燈一氣所鍾清似鏡十成相  
肖澹如僧紅栽水玉不多日碧數霧鬟無數層臺上只教猿自  
嘯秦簫雖美弗同登

求圖記古字於何老漁

古意蕩不反古聲今亦亡一期甜畫貴幾個淡交長馬去有時  
反豹飢無處藏劉郎鬢先老猶得訪何郎

泣瓜廬薛景石

夢與瓜廬別平明見又玄偏傍蕃手校竒正想心傳穀賤煩豐

豕風酸噓瘦蟬阿伶墳上土滴不到重泉

新竹

嫩青賈籜未禁搖細字何煩扈碧綃乘月露梢須點滴少留墨  
色到明朝

贈筆工

散捉紫毫新脫穎玄泓渴飲淬鋒寒將軍翰墨場中老避梨方  
知斂掣難

菊澗蘭石松菊手卷

髯高江漢歸化作木石妖搞對怪槎枿俱趁毫端朝蒼蘚並砌  
泣老棘傷秋雕篠蕩霜不蕃蘭蒞春方饒抵死蘭蒞傍不肯著  
艾蕭坡陀數片石仙袂拂不消定知何處見五老前山椒



北碚詩集卷第六

北碚詩集卷第七

罇盤隱總餉園中之什

總餉園中賦詠佳可曾誤指玉鈎斜煙鬢闥戶青浮玉羽蓋亭  
雲綠護花瘦竹引風留客旆長江流月去誰家暮天漾、隨潮  
展彷彿西吳渡口沙

舟中貽趙野雲之官三衢

笑君吟似飲中歌船貼清溪翠卷羅夢枕熟時炊晝永午陰團  
影得涼多官非奉禮寧如賀家豈揚州舊姓何試問柯山棋一  
局不知曾爛幾人柯

酬盤隱別駕七夕

水風池館濯明粧兩袖澄鮮貯晚香金注玉波秋未滿銀開星  
渚夜生涼素伶醉客陽辭酒總就新題畧舉觴拙不可窮安用  
巧聽他乞得巧人忙

逆風

嘉定九秋季同  
竹岩下姑燕  
詩七

劈面東風不肯西，州客子莫顰眉。一從四國流言後，直至如今不反吹。

野雲赴三衢酒官

跌宕四十年，吳霜變玄髮。卓然所不變，傲寒勇弥决。醉翰筆為  
髯，狂歌酒作孽。煮字不療飢，袖手不求熱。囊羞一簪直，腰嫌五  
斗折。狼飽千里肉，豕卧半尋冗。菸菟道邊窟，蝼蟻夢中堦。驢困  
黃泥阪，駕踐黃金埒。臣朔漫詼譎，侏儒笑明哲。生女不生男，跨  
竈亦超絕。安得徑尺蟬，冠此半簷雪。縣官嚴權酷，一官弗徒設。  
安知滌器時，已有諭蜀節。莫羨白頭吟，自看柯山月。

送湯少瞻見疎寮

而翁扣竹扃，拈出兩詩新。涼柄駸，置秋繁。隱、親年勞須制  
勝日，益是刊陳翰。長淵源地，山陰試問津。

寄寬堂趙左藏

玉壺飲湖淥，决背連雲根。霜蟾駕飛轍，萬頃秋不痕。懷哉壺中

仙弗鑑行潦，渾一衿。洞冰漸三舍，祛塵昏玉盃。勺冷瀝瓊佩，經  
芳蓀。賸擷書傳香，鮮騰水花芬。愛閑受遠次，負郭成荒村。廣文  
飯不足，北海酒滿樽。弗春長熙，弗約常存。氣餒貴益賤，道  
在卑逾尊。安知忘情地，豈在炙手門。只與白鷗說，莫與俗子論。

送范主簿

考績果何如，三年上書官。箴小能大俸，給少常餘款。客壺觴  
靜，尋僧水竹虛。麥船容借便，石浦訪樓居。

寄陳給事

別元龍了別西湖，到得蘭陵二月初。沉想金閨隨夢熟，楷書玉  
楮問安疎。傍人燕子新巢小，得友鶯雛煖翼舒。落、環中有餘  
地道，樞旋幹看虛邪。

送趙司理

未報金陵大闢書，鵲声犹自繞庭除。若非尚德嘉同姓，應是菟  
才副所如。寒日鷺洲千點雪，舊時燕壘幾番雛。江東可是無諸



葛不記千家有小子 素齋君實父

送滿上座

文公任處免時到尚記崔嵬紫翠聯隔岸土封劉氏藁它山石  
刻杜陵篇天開雙闕凌飛務經注千名富近年倘有異時陳伯  
玉潜然為我作欣然

芙蓉盛開

實霜橋百卉拒霜獨開花寒駟煖消落秋借春韶華酣、羅珍  
姿表、駢翠葩晴雲剪新綺落日明丹砂灑冷褪宿艷葉散摘  
零霞離騷比君子城闕藏仙家二月三月時紅紫相矜誇西風  
一搖落亂委隨蓬麻花中障額瀾晚節礼有加芳潔以類從薰  
猶分等差梅追元氣回菊制暮景斜弗使四時氣斷續令人嗟  
泣瓜圃翁應叟  
不幸人誰免如公孰不嗟母怜他姓子金潤別人家行義窮尤  
著持身死不差寸田就可圃圖蔓勿傷瓜

黃凝雲歸張公洞

洞在深雲裏仙畦茂藥苗偶隨山下水來泊寺前梳灑冷長凝  
類丹輕不墜瓢多應久離索老鬢各蕭

寒泉赴趙建康辟

辟書絕下了節：闔笮音一日偶它遠尺書煩重尋似回浮雪  
棹來作訪僧吟夢草相忘地於君憶更深

醜盤隱別駕雪

臺空罷講經屐事雨花零雞誤中宵白山迷昨日青槎牙渾欲  
死和煦便通靈怕壓疎：竹寒敲不忍聽

盤隱別駕修龜山祠

高令藐人物振墜起先賢俸薄知難集財輕覺易捐便成新氣  
象頓醒舊風煙樽節昌頽俗何心食萬錢

承天萬佛國閣

觀史何年宮飛跨雙峨眉又如聽經塔湧出踞旭維不然鈞天

人來下觀闕隨去年曾此游入眼未始窺西風一回首峭峙凌  
煙霏璇題翠萬椽雕礎逾十圍神速藐鬼工莫知為者誰或曰  
金泉僧短髮霜披信孚全吳地幻此一段奇胸中楚澤小簷  
外吳天伍舉手斗可捫縱脚雲可梯江窮水屈折港盡天吟哇  
目知廣大量不為狹隘移閣中優盍花萬朵秋不萎天子壽萬  
年一年開一枝

竹風亭

盡鉏菑翳了華構繞簷簷轟轟半簷綠疎六月涼雪林聽響  
玉粉節暈零霜話到楊州鶴無非俗肺腸

平江太守李宝謨移漕荆湘

荆溪、上傳接吟使君賢行旅歸如市羈游亟受廩豐儲優郡  
計薄歛裕民天誰似山陰叟臨行贈一錢  
不據喉衿地如何展壯圖一麾移使節三楚即全吳鸚鵡春常  
早貔貅信必孚不知坐上客更有福生無

葛菴阻雪

城中勸疇接小泊在同涇竹已休教醉梅方喚得醒山嫌時畫  
俗天滿古壺青怕有歸來鶴柴門夜不扃  
天上花如席門前迳擁樵全葩不到地零蒂謬齊晉梅笑竹先  
裂栢隨松後雕燒痕漫滅盡黃獨更無苗

張荃翁赴浦江丞而喪耦唁荃翁謝穫軒見寄

藍田廳壁記又向浦江鑄棋壘須延敵吟疆旋拓邊鏡空寫獨  
舞幌冷鶴先眠八詠弦難續麒麟角可煎  
絕笑諸郎似乃翁荃翁又自去哦松揀焚賞必先焦額欲雨香  
非後土龍徵調苦多忘惜日變調傷煖不成冬吳江短楫華亭  
月稱副莖藿藐萬鍾

正月初一酬盤隱陸別駕再雪得封字初三夜醮遇

風得淫字

前回滴未融密洒人重半刺慶三白載歌賡四封獵圍尋跡



去吟思為誰供  
沈想山陰夜來如去  
吳二胡為爾喧  
豈不可聽弗摧山墜地  
必輓涓成涇  
函侯東方  
白燈苗冷幌青想  
應遵帝命弱水送飛輪

立春前三日雪

旦夕灰吹律  
漣漪尚剪新  
雖正猶是獵  
差晚不傷春  
夜戶凝朝  
彩生柴代熟薪  
老僧眉叟白  
寒鑠玉津

武進趙峨松吐  
茹異流俗雪中與邦人頌而餞之  
明州人忘其名  
自拔千尋俗瀾從砥柱  
回炎駟早魃死涼似故人來梅待春開  
眼歌催雪薦杯荆溪鏡纖志是豈負丞哉

立春前四日天大雷電以雨

王禹偁黃州亦有冬雷移于蘄州而死

霹靂如春雨似秋  
蘭陵冬夜憶黃州  
茂陵封禪期身後  
恰營成小竹樓

次薛叔載石泉韻

石泉曾未面泉石  
舊忘情不與滔  
競常懷止  
清涓非涇醜

藉貪是惡声名自潔  
憐他濁憑誰弔屈平

惠山泉

源遠涵山錫風高遜甲科  
論於前輩定重似別泉  
多清泚傳無滓  
扶搖盪不波澹交從古小  
如此一杯何

寄湖州故舊

夢憶湖州舊樓臺  
畫不如溪從城裏過  
人在鏡中居  
閉戶防鷺鷥  
間憲便釣魚  
沉猶有雁弗寄  
一行書

次韻盤隱別駕偕抱獨作詩相勞苦

小奚雲錦重來地  
時與山人尉寂寥  
妃子墓前苔砌綠  
風煙商略到前朝  
迳紫地腹不嫌紆  
花萼玲瓏畫不如  
太子布金祇對老  
一鉏無地可藏愚

代農答別乘勸耕

敢忘百拜與三行  
非賈非工只自耕  
舊不便民毋助長  
新非悌

衆却休更驗今多是迂扶曲考古無非直勝橫只把襦歌徵別  
乘不從諫議問蒼生  
守令丁寧在必行女當知織子知耕課春蠶務漫三月聽夏鷄  
也鸛聲起五更吠澮滿時瞻日上桔槔俯處候雲橫調疎征省家  
才給便買詩書教後生

菊磻之宜具兼簡趙長官

伯氏如文舉何煩仲氏書山陰溪上棹灞岸雪中驢耕豈無閑  
地居仍有樊廬看家老猿鶴渠不為貧踈

閏月三日即事

星曆新傳誤無人重講明日中陰似夜春半冷如正柳欲眠還  
醒花犹染不成燕歸多日了犹自未聞鶯

橫山王八伯丹井

殿陰瓴甃古汲向瓦炉煎甘拊惠山背冽差廉谷肩還丹非內  
外餘瀝尚清連莫問井中影盍窺天地先

寒食

總見茆簷插柳條便知寒食是今朝春應不恨相尋晚應恨常  
陰一半消

翟園

廷尉園池傍柳塘自携魏紫訪姚黃問他濯錦江頭路共漢梁  
王醉幾場

黃雀兒隨玉屑栽兩行珠翠一般開桃花少似玄都觀曾却仙  
都譜系來

前朝有貴女子欲冒  
翟姓其家力辨遂止

寬堂趙左藏泣子

廣寒秋思若桂實最芳枝既失鸞膠助寧忘懶隨醫彭於殤有  
間蒼與吳安知不独天難問人間更問誰

盤隱別駕別造楊龜山祠堂拜奠於三月既望

導洛疏伊斷在茲度溪湍被振荒祠人心未泯猶知勸事力雖  
碑豈憚為清似山陰修禊後煖於沂上詠歸時熊羆祥叶期豐



報應有南康別駕兒

張別駕饒州之任

絮飛無跡送行舟春樹江雲共獻酬國子先生為太守林太博清之同之任  
碧山學士作監州晴開戶阜微茫曉籟挾芝山汗漫秋華月光  
風在懷袖同吟同敵莫鴻溝

林國博自吳化得饒州

盍綴蓬仙上班烹鮮不鄙作州難醉眸尚帶壺雲碧興化軍壺公山吟  
筆疑翻壁浪軋名著金閨方善下春生玉樹不知寒明年金榜  
登科記莫把尋常舉送看范文正公知饒州金榜過省

慈感寺蚌珠尊者閣新成

部勒溪山勝橫陳壑麗誰老蟾栖峭峙飢蜃吐岵莧蘋潔翻波  
碎塵紅到岸消蚌珠方廣土瘦影落清苔  
夜泊三高亭

尊然鱸膾不如施歌散雖工又帶訛墻壁年時俱有耳莫嗔鷗

鷺往來稀

趙昌折枝芍藥

韶光欲盡伴荼蘼收拾華風在一枝不惜丹鉛和露寫惜它姚  
魏不同時

壽盤隱別駕

出門騎無驢擬帶剛風騎問之何目尔蜚度弱水涯弱水三萬  
里風煙接蓬趾仰止蓬山雲青紅濕鹵几煌、華玉枝采、黃  
金芝瀼零濯鮮好歸來賦三島

搗帟

萬杵不為輕丁寧玉汝成忽聞敲月響誤作搗衣聲整、雲添  
薄方、雪更明沉思過秦手古恨滿箋生

趙宜與訃至

千緒亂紘、今才整得清泉羞庶不污鏡笑醜嫌明方聽棠陰  
頌俄傳薤露聲丰規華月老固、又東生

百里寄豐凶休仍與戚同小心三日婦宏略九年弓犢用刀償  
價人疑蔀蔕蒙來年花滿縣何似去年紅

次韻郡博士賀龜山祠新成

經術修明可保邦凜然冠佩陳堂競傳溪上諸賢聚漸得門  
前一水香踈剪新篁看抱節誅鋤惡草戒侵墻美輪美奐從人  
頌潛德雖幽愈耿光

肅瞻老屋話日依再振工夫豈浪施學士賤秦麟妾出老天祚  
宋鳳來儀崇儒先叶休明運溢美宜刑賦詠詞弗待文具自今  
古源、未必不由茲

業從師授巧無師孟子何曾負子思華月不從修慶缺景星還  
自望中垂偽從所惡生成黨判自持方不中規欲扣兩端今已  
矣忘言獨與故吾期

劉鍊師歸綿州

掾署生賢夢君生幾歲知江圍帝子閣蘇暈海棕詩鈞豈無成

日筇須有化時怕揮天寶泪莫話浴妃池謫仙玉環歐公  
同生綿州

荆山劉成道相遇

繫舩敲竹戶剝啄異常声燈醒夜來喜猿日晨起驚葵英和露  
熟雲子與秋明恨殺西風急如何駐水程

張公洞

仙蹊九地更深層捫磴扳崖謝瘦藤候徹鼎芽抽巖、滴殘鍾  
乳綴稜、詭形象物疑成怪虛處存神喚得應惆悵石驢鞭不  
起弗如鷄犬解騫騰

白馬金沙洞

準擬朝餐洞口霞更窮泓碧漲桃花可曾石罅豬成玉多是金  
邊揀得沙符說有靈尋漢篆人曰鑑止見胡麻依稀似入天台  
路不屬劉家與阮家

善拳洞

一山三洞幽兩洞碧通流龍占層淵湯魚憑四足遊遠舒雲際



望涼慙水邊苗更卜重来約岩前石點頭

祝英臺墓在善拳寺後

作奇男子事博約訪名流只似深閨住爰從斷束求迥依延月  
入愧冷為雲苗只好尋斑謝泉臺約雅遊

何監宮雲四

四處移將凸處填悠々填滿亂山顛是中自有從龍便勿謂春  
風不偶然

吳秀州自通判即真

鄉來風月渺鴻清已屬而今第一流九轉可曾圖速効雙旌何  
足嘆遲苗暫紆青綬宣新化應對黃花動古愁倘有無人耕處  
地欲投瘦策問菟裘

九月十四日自壽二

九月明朝望思親到鶴鶴不曾生日醉未必死時醒有命羞同  
甲無錢喜放丁六千三萬夕款曲度殘零

簷外無多地秋芳以類從負暄存爰敬讚課策踈慵勺月酬閑

燕苗雲脩綴縫莫言太早計吾欲御玄冬

送鄂渚秋官陳伯奇兼柬阮廣文

榮如李郭舟小為蜀僧留江漢渺何許琴書占上游貪程人易  
別勞勸酒難酬黃鶴風煙古何曾怕攪搜

相士雷舌

盡道雷無舌雷無舌可乎不曾藏霹靂又是笑喑鳴菊減霜前  
馥筠添雪後腴莫同姚魏看姚魏望秋殂

王司理之官南徐

南徐非古徐或云古徐州鄉來徐州牧亦有大耳劉手携紫髯  
生分踞很石籌不知何所籌楚醪相獻酬石無一日轉名有千  
年留石很不足道人很寧弗彥君椽南徐官盍為南徐謀誠開  
金石堅德舉毫忽輜鄙意久自化強槁終當柔平反惟厥中此  
外吾何求居家老卿月威惠半九疇悠然豁斯道付與諸郎由

宋賢良見過 二十韻

莫登百尺樓豈無湖海豪莫揮北海尊豈無老風騷風騷脆霜  
葉鄭衛壯虎牢齧齧勝宏放昆吾避鈎刀競利贖奇貨遇于輜  
織毫妄異款段馳不使寫鵠高弱羽与微類聚族喧林臯殘粒  
酬渴飢墮葉爭爬搔忽乘吹送起遂托蔭翳翹因風不知反墮  
地寧償勞顛頓失故步悲叫尋叢蒿擊搏恐不免彈射安得逃  
仰窺扶搖翮俯媿腹背毛美人隔秋水煖霽明春袍訪舊溪上  
寺治我寺外濠開端問戎氣次及銘瘞瘳堅窮與壯老指摘仍  
繹縲玉石体自異瑕類寧容韜清貧盍用恕白戰惡足廬試請  
避三舍大昭方載橐

寄石龜翁總幹

龜霸詩亦靈鐵甕渺江城爆得風騷北鏗為琬琰声看如容易  
得吟却家難成只有蘭陵月知余入細評

高教授計至 炎

競俗奔、急潛窺却步難退知藏用密居得秉彝安有襪常番  
著無弦敢廢彈謝城空冷帳回首一決瀾

陸別駕解組

不平容赴翹無枉不相關契託今州牧官同舊筍班騷情吟未  
盡樂府載將還况是平分手新声課小蛮

蔡提幹卜居

男兒胸中奇忍作懷土羞冒榮復素食矧乃羞之尤謾令兒女  
曹欣戚相喧啾東家新買隣百萬未易酬鄰人何人斯百萬痛  
博儔婁叱九折馭朗吟三硤秋結客盡群玉稅駕半九州底存  
萬間志資乏三徑謀長沙與吳會豈必真菟裘濯足門前溪泛  
月溪上舟有客共吟嘯有書同校讎有時鼓瑟琴亦復飛觥籌  
論士笑浮俗得失令人愁重官不重名不約常相伴鄉來飛將  
軍渠豈不足侯名落天地間迥覺天地道謬侯紛如蟻千古衆  
楚休至今謬與賢渭與涇殊流高名独不死天地同悠悠



續鐵鑪步志寄平江太守

惟虛不競寔薄俗崇虛名豈其鄉未寔虛課今日成因依鐵鑪  
步自昔聞題評素簫廢已久百鍊餘晶：大而函牛鼎以而割  
雞刃刀也玉如泥錐也囊脫穎箕裘既失緒族屬庸振領區  
欲就鑄水滸方接軫譬彼趙善戰奢抗狼虎秦括也讀父書言  
外欠發明奢死括駕趙兩眼空無人全提四十萬一窖埋長平  
括固不足道謬甚用括者用名弗核寔鑄錯敗良冶曩時闔閭  
城呻吟滿四野忽聞襦袴歌一日變風雅

歌太湖近常守王寺丞

君保

伊誰量太湖三萬六千頃天圍幾何寬滿湖不畦畛或疑湖底  
天可田箋天亟問縣官請况復周家有成法盡底均作八家井  
鯨鵬蛟鱉俱幽屏藻荇蘗為禾黍穎公田利與私田準坐令虞  
芮俗化作西伯境野田無哭声夜厖亦不驚晏眠早作日以寧  
已輸再輸無妾征循良在上如西京媚長牙爪俱遠

擬舟黃叔向部綱南徐

三碩淒涼後今誰抱膝吟有人皆肉食無舌變鼻音穎脫三千  
客囊空四萬金孤舟猶繫岸江碧柳陰

柳

江春欲到家先知次到南枝次北枝不信樓頭觀旖旎嫩金勻  
徧去年絲奈尔紫晴殢雨何靜時常少動時多初無恼乱春風意却是春  
風恼乱它

贈製香蠟茶者

玄質團：玉不如翠鈿小切試昆吾文園病酒文君老盍薦芳  
甘淪道腴

周漕泊舟寺前

見說淮東使者歸老鯁都作小兒啼暫閑綠野停鴻鵠小侯青  
冥驟馱馱度外二三皆勝策胸中十萬未全提浯溪尚有斬天

石頌德歌功儘可題

金山

彈壓奔鯨障怒飛削成峭峙不分支自簷滴外水為地於海潮  
中石湧坻蜀浪春肥浮棹急淮雲曉濕渡江遲中冷一滴清如  
玉弗與溜混濁移

不占南徐地遙分北固天削瓊標巨浸堅壁下長川城柝偏遙  
夜淮烽直近孺建炎天子聖翠輦到層顛

秋塘陳敬父挽章

百尺樓頭臥傍無一寸梯談知秋鬢苦豪壑暮潮佷白壁羞瓠  
齏青絲老馱駸不能回晚照相與就刀圭

即事

一點春深燕子泥卷簾不記燕歸時牡丹又逐朝霞散亟課殘  
經更不知

石龜解字可山

城中闕寸碧益遠益難真簷外開荒壘天涯見似人驟觀雖小  
有側看亦橫陳蠟屐隨山賊幽尋謾苦辛

於潛張長官榮上

乍崿峰前古子男萬家喜氣接浮嵐許曾蛻俗今苗跡坡為尋  
僧舊駐驂養志不違宜膝下去天羗近似城南明年一縣花如  
錦日春風伴燕酣

米知縣之官建平

廩然晋宋美風姿又似君家古少儀劇縣一經名輦作春江相  
與白鷗宜盤根小試難藏利剖竹高廷勿復疑雞犬相聞總隔  
岸日邊書到欲先知

酬滕主簿

帆開得便風從事果何從研滑磨穿底毫銘賈勇鋒三千篇謾  
與十四字休封歲晚論交地由來淡勝濃

張令人誦經



沉思何處雨花零彷彿灵山會上曾不媿後來成佛女宛如前  
輩在家僧翳花去眼空無蒂老玉勝春瘦弗稜相伴灵椿歲寒  
操共看兩幹又傳燈

荆山

隱不知山淺端如璞在荆草滋皆玉色松籟作江声莽、嫌吟  
俗溜、笑渭清莫將雲錦素容易小能名

劉母墓

怒虎跑雲此處傳到今知是幾何年一彎碧似回珠浦數曲青  
藏瘞玉田彤管旋添今日史白華何補鄉來篇誄辭盡出騷人  
社行素猶能得細詮

次宜興謝長官借榻韻

謝魏王家孫

挂帆來近新邦伯不與郵亭計短長舊習澹如黃閣老騷情閑  
寄碧雲房空濛得處花生筆灑瀨斟時月滿觴想見客毡寒不  
寐自將宿火撥殘香

胡子安見漫堂

一與慈湖別懷君十五年衣曾知密付人不是虛傳氣老凌秋  
爽詩成指日僊相逢卯金子應有碧雲箋

胡子安荷花

出水依稀帶露痕米毫羞澁媿旌能細思語不經人道揖遜安  
州食寮僧

贈皓律師

皓也昆尼學精於玉帳嚴蟻酣停掃砌燕乳記勾簾茶鼎敲冰  
煮花壺漉水添夢回池草綠忍踐綠纖

寄徽州謝使君密齋

新安產竅良引類赴文房太守五四友管城三二玉水分千里  
月春滿六州棠丹穴皆鮮羽叢霄看頡頏

孫氏封禪碑如罔俗呼罔碑

拆裂金刀地三分得一分干戈未奠枕封禪已刊文符瑞規前

謬勲勞說後文水中龍欲下矯首蜀江濱

修玉樓

故郡樓居者宜州太史家浦寒雲掩鏡研冷筆生花月砌亭  
玉風籤獵、牙合簪酬大雅一戰霸淫哇

漲水嘆

去年水為祟數州害田稚今年逾去年低陌吞高阡天時香難  
度耕者虞溝壑問天何如其天室無磴梯蒼然不可詰試詰天  
所司、方貴公田皇暇恤我私率先盈困倉又欲豐盛染長呼  
天不聞問司胡不思反表惜奇耗裏盡耗孰資司云心是豐凶  
本帝哀尔氓乱方寸遂令腐爛不可支甚若秦皇齊威尸佞士  
矯誰至於此天橫傷殘乃其自濤翻天上第一禪所感召者誠  
宜然或訊浮圖事吟賤法當勿用浮圖言少陵琳琅千萬篇  
魚人間者百不一亦師粲可縛禪寂不知此話何從出

聞沈宏父計

雲裘未換貂鬢已幾莖彫璞美宜穹售樓成或下招生無金潤  
屋死有玉蕃苗欲酌余不土天漿弗滿瓢

晚牧圖

寸繩尺筭乱山深節制安知豎子心老子看牛如相馬微茫淡  
墨賞遺音

贈吳兄仲孚

策慵推病枕刺字忽來前未說名瓜子先傳姓口天鴻蜚煩送  
目蛩響動吟肩窮與窮相值秋風已颯然

蟠松

肯為人低首非因米折腰曲何慚九地直恐礙叢霄雪虐知擊  
重風酸不怕搖高林多裂幹弗後歲寒彫

泣姜貧樂謝長具長趙可齋

葬近陳朝檜傷心絕筆吟家餘乞米帖囊盡擲蛙金語慙貧難  
屈名羶死弗沉王孫種花縣何似古藤陰



金盡驛驢死交遊散似雲五窮豚不去百拙巧難分竹喧梅踈  
友鷗隨鷺吊群未銘先傳散勒徧雲川瀆

仁壽敬行可開兩池曰雙照

照與照者影沈蹟絕尔如何其自起途轍傍晚語我毋庸疑倚  
櫺為我賦兩池謂言物、皆吾詩絕憐思苦槁弗滋不忍汚此  
清漣漪不然小需載生魄碧漱不搖皆玉色一池各有一眉新  
眉間喜氣浮津、悠然散作無邊春輶輪半仄腫、蘸明透方  
方兩團鑑更微此義吾無說莫問清池問明月

吳江塔寺登閣觀太湖

十華藏海藐泔蹄便作泔蹄為物移富貴不須開帝網只開万  
頃碧玻璃

雪

集霰夜才分續霏曉更零未乘風洒、先挾雨冥、忽失三更  
黑山無一寸青有船非剡權誰去扣吟扃

聞杜子野計

嘉泰開禧後人傳伯仲文縑綸宜掌制草檄謾從軍楚塞沉秋  
警江雲黯暮曛舊題湖上石蘚暈濕苔紋沒於王事

問傳菴海棠消息 二首

光風欲透錦燕脂數點快晴已薦奇惆悵一雙新燕子年、不  
見未開時  
紅雲煖壓草玄池宮燭傳榆夜更奇空掩沉香亭北恨玉環宿  
酒未醒時

讀賈太傅傳

諸老先生搃未言一言中的已先聞守成天子恭沉默不妬多  
功重少文  
七日平城戒覆車不容年少係單于用賢勿貳君知否不用何  
須歎不如

趙都廂見過

詩七

彷彿巴東縣空橫盡日舡晴占收麥候寒似養花天嵐濕迤紗  
重雲明幌楮鮮商星與參子相別動經年

訪葉海鹽不值

綠葉未幄春正遲者雪煖開茶靡丁寧密意謝紅藥倚角緩  
放韶華歸一芳一菲尋版蕩更無可砥狂瀾漲惠風迤邐索蒲  
葵約束涼薰小相讓棠梨雨褪燕脂蕙來禽効顰相後先主人  
朝天未回韉軟紅沒屨東華前飲湖山綠方頽玉水遶山圍南  
宕北起來却憶故園春園中四時花木新詩人眉苦閑情皺不  
怕天知怕天瘦遂令真宰妬冥搜無人不恨古藤州

入邑阻風二首

鬪風鷗退不忤飛還似當年過宋時又似雪舟人具盡歸時却  
是順風吹  
見時無事去還思往來參去不辭弗是山林傲軒冕澹臺有  
請獨無私

長興長趙憲可說閩帥王方岩逸事

勲業在青編貂蟬負雪顛魏科幾望月定見不回川用小才嫌  
大時危德忌全上天尋白傅表海問蓬仙心在方岩上天游委  
羽先十連茂棠蔭一橐老釣天濁水因珠潔清風被物鮮孤芳  
觀晚節善賈考初年吟速甘存拙文踈耻競妍鄭莊真好客王  
衍不言錢謬我奚為者煩公辱贈篇初無曇穎契終說項斯賢  
大雅皆傳響楞巖未訖箋新阡小溪曲華玉反藍田

四明陸韓二佳友登科

龍虎榜頭千佛名亂山寸碧起雙明預吟新句雖三首莫放臚  
傳第二声得意馬蹄須款曲吐花兔穎看崢嶸平生兩眼人嫌  
白青為君家好弟兄盤隱昆弟

江上得書纔半月漕闈旋與計偕初荐聞得第喜何似繼不嗣  
音曾弗踈別院苦難應有助大庭賈勇可無餘首呼名氏須相  
報雁若慵來亟遣魚



盤隱瘞猿

寸土如寸金思殊惟蓋深病思罹穿日死恨出林心殘橡停朝  
賦空樊絕夜吟六白呼不應雲冷月沉

張公洞得響石

漢張燒煉處切得一痕雲土蝕爐金液苔皴截鐵文響非弦脆  
雜清浣俗紛紅袖裏東溟小羅浮不足云

酬盧玉堂

溪友弗來過幽栖欠濯磨眼飢嫌睡少竹醉惜移多雛燕駢爭  
乳慵鶯噤弗歌白低雲不掃零亂儘從他

陳襄陽歸長興

玉帳擁貔貅朝天爽借留勳庸收素定江漢耻橫流傳有當時  
癖池無暇日游貂蟬倘來耳又見出兜鍪

中子山前寺曾分華頂薇去尋龍首約回些客兒歸白羽精戎

律黃金緩帶圍孔融傾座處西望幾斜暉公自永嘉訪莫

項別駕計臨

清約筋骸別雲泥俗肺腸酌貪廉不污鑑止醜難藏貴藥無錢  
買沉疴有死償若為千駟馬得似薝薇香

玉樹曲

翠袖薄霞裾飄盈、不動金步搖步搖金扶翠翹玉只知今夕  
歡難足不知明日歡難續瑤姬自是能吟女壁合知還舊壘度  
古菱花試小龍文雙寫舞處亭、分

巫山高

陽臺晴霞煖生纈削玉六雙雲端嶮白鹽赤甲秋未寒側樹歌  
岩妥鱗鬣霧靛煙軒兩朱鳳紫瓊銀鐙碧瑤鞦轍飛不點九地  
泥、滓各諧蝼蟻夢蘭臺詞客詞詭奇諷微勸廣胡不思更欲  
張儀聘燕趙却嫌鄭袖黃金少

蓮塘曲

錦帆涇淺花如玉苧羅女兒更明淑纖柔擘花映芳臉綠皺不

搖秋湛染嫣然闔影一笑新笑花解笑不解顰扁舟五湖一痕  
月照見顰吳更顰越

古鏡行

一奩古碧涵冷秋泓澄紺滑凝不流開奩拂拭辨款識認得軒  
轅在時事軒轅肯游廣寒殿臥太陰精酬百鍊固妖蹤怪影  
消夜哭空郊曉奔竄菱花亂古亦亂真識真考古今無人黃金  
寧可買不死難買張華兩眸子

傅家林

樵斧響晴雷平林頃刻摧兔止三穴徙猿吊一枝哀乘梓思前  
輩松杉惜上材養材如養德萬木盡重栽

次韻鄭大參淨慈雙井

山展鳳膺仍斂翮東井碧通西井白花姿欲榮茶熟長恨眼  
中無此客夔州病渴夜迢阿段透雲分澹夔州連筒四五里引水入城胡為  
金錫卓山泉小倚銀床間庭栢一杯盞為龍象供數尋自是婉

蜓宅萬斛溜、隨地出九地落、不須擇淺青盈甃玉痕圓深  
淨鏡空灵影拆江淮行地自南北河漢如人同血脉舉瓢高謝  
浪滄濁吹簫去覓浮丘伯遂令天水不違行洞明爰象元同畫  
更將康谷細商評一笑自知肩可拍

哀三城 并引

開禧至紹定幾三十年士不解甲殘虜假息韃人擾  
亂我邊陲潼關以西如無人之境成守李冲鳳守李  
寔皆名將種備禦有嚴不頽家声西河守陳寅仲開  
禧總餉不受偽命感之家嗣奮仁勇於世家子苦戰  
無援偕三城死義壯其死而哀之擬悲陳陶悲青坂  
賦哀三城以泚偷富竊貴賣降致款非人類之類

歲逢虎牛禍折萌蕩、蜀道犹可評族姦反正善其計振槁拉  
枯徒尔勤初雖覆杯可撲滅終焉决海難為平智人三尺眼前  
暗明玉一玷磨弗晶回仍擾、不知了殘金欲地連韃人武功



夙著冲與寔貂蟬貴欲甕鉞成孽成孤鳳鳥不度守有可死生  
無因兩公氣節固相類又類射虎飛將軍西河寅仲出儒素聞  
禧總餉先垂名太丘是父有是子衝樓跨竈前無倫話頭講明  
有定見不與姦諂相因循犬戎日衆我日寡貌貅乍屈還乍信  
賀蘭飽鮮方醉醇嗔指不讎南霽雲慟哭秦庭不肯援有嚴玉  
帳無分兵借令空券可持滿飛鏑已盡風中鳴三城父兄一時  
陷况復骨肉懷親、有生必死、有所此死可羞尸素群矜鞞  
街略謾蠢、妬功嫉効徒遂、幸灾之跡勿容掩不掉之尾何  
足云鄉來益昌倡大義河源流芳千載榮勝天倘可恃人衆公  
道莫于行路聽後先忠節貫日星野史孰愈良史真

九日寄宜興謝長官

射蛟溪上黃花酒灑氣浮溪靜弗瀾素羽已忘秋後熟紫萸不  
怕夜來寒軫裁雕玉鳴焦尾屏掩涂金炷北山步武自高吟自  
適何須鼓吹上層巒

苦雨

尺潦翻堦怒沙沉陰物、殞精華最憐万畝傷禾穎忘却重  
陽對菊花原上有苗皆委地水中無穗不生芽占晴夜、觀西  
北一縷何曾見暮霞

贈天台權上人

老荷紉綴晚秋前冷榻曾無坐客毡旋剪玉蟲觀細字款分半  
芋且遲眠

箬溪樓製錦堂長官趙可齋新製

步武弗收低闌干拊峭巍霜鴻天外去簷翼水邊飛勝踐西風  
老幽尋晚照微賀成先燕雀宏略在沉机  
古製宜藏巧吾寧十日窺弗將青鏡掩誰北白鷗疑雁鷺方群  
散置學各自施悠然机杼別無媿召南思

大雄寺陳朝檜

託根陳土隋風煙送盡鯉魚蜚上天六駢度江又如許老彭社

標將齊年彭自有高觀五伯區、社標奚為者君乎幹老舊時  
天剛中紫鍊青銅堅一季一季看妖妍年、死在秋風前輪困  
孤頂鳶停翼脫略霜皮蛟露脊自古才難人弗惜江東酒壺澆  
柱石夜深風雨卷潭湫霹靂一聲天地秋

月谿

光動群陰斂腫、古岸斜綠空冰碾霧分影壁沉沙圓轉剛非  
缺虛靈淨弗瑕修輪紛血指玉斧在山家

十月初三四雪

霰集三秋後花飛十月初更添兩度白併作一年書稻腫齊生  
耳楚田爛弗鉏寒敲君子竹壓折怕休踈

墨藕花

紅鋪不是芬陀利綠卷無非菡萏秋以色媚人寧壞色不隨榮  
謝鏡中羞  
西子湖陰錦挾雲水風池閣度晴熏影窺明玉生綃薄分外精

神一兩分

松圖

李懷仁畫雙龍後活在蘭陵道士家水墨工夫能幻巧變成霜  
幹老槎牙

斷橋之西石橋北忘世忘年寄幽独千仞千雲險絕攀瘦影何  
時落橫幅

秋雨連冬雪寄常平使者王郎中

九月十月閏月雨陰晶陽采雲靈殿十旬朝夕漏泫、豈應漏  
處無人補準擬書雲須少霽破鏡上天猶未已田家屋老半間  
茆帶雨旋抽仍數米雨中集霰初廉纖雪中更把來麩占麩今  
一粒不入土倘有此小黃厭、春耕仰麥今無麥款駟秧馬飢  
無榮富人露廩蠹如林價高少室山人索貪夫相時為利謀耕  
夫食力無過求無求尚有豐凶憂更憂螟螣與蠹常平使者  
深長慮少艱安知汲長孺開倉振粟勇不疑救焚孰與先救飢



劉湯塘寄謝宜興三詩屬宜興索賀和

暨俗無如退榮身豈俟官不知狙喜怒聊問竹平安惡曲麾圓  
器希同即異端十虛無四壁冷眼要人看

美政喧隣壤新詩致湯翁新聲能峭眇嘉定對清室

藥苦終成效言甘恐害忠不逢丈人行爭識古人風

泳飛樓上吟記賞竹岩深鶴已幾番子棠仍千樹陰名隨北斗

上刻笑硯山沉獨欠岩翁些交游尚挂心

錢竹岩華諸孤託求先友挽詩於建泳飛閣竹岩作記

張南雄之官 張文昌之子  
一麾梅嶺下征旆踏春妍響鄭尚書履收王大令毡阜財昌國  
本裕食佐民天來歲花如雪芳枝記驛傳

薛藍田瑞州

藍田新續記蓮幕又登賢次遲初潛地榮如利見年熊飛占吉  
夢綵侍未華顛天子成先佛無庸緩著鞭

陪方江陰宗諭勸耕過宋景文墓田次日得其唐書

草并侍郎誥

千騎精明振物華麥畦分處槿籬斜山雖有盡春無際李竟不  
言桃自花綠漲新添前夜雨青歸不減去年畬酒盃弗醉劉伶  
土重為斯文一嘆嗟

君山吊古 春甲君領客於此

桔足晶瑩佩陸離無人從事一丸泥謀踈與國迷同体恨遂東  
流竟噬臍俗好永懷兄弟遜金多盍愧斗牛齊潮來只打君山  
脚渺：江空宇宙低

梁楷畫鍾馗并引鶴歸雲際携琴過澗西三題

華清橫玉落梅愁不寤人謀蔽鬼謀白面書生名字貴還如版  
築夢中求

喚起胎仙細問伊幾時華表柱頭歸一編玄草都收拾種玉田  
東伴采薇

不是忘彈悶古音怕人誤賞玷琴心雲西六一峯前去挂壁梧

桐槁弗瘖

楊園四題

草薰：木欣：海棠昨日隨雨零牡丹欲放金紫新餘芳各自  
爭鮮明小圃日涉不日成品分日暑月旦評是家當年駕盧駱  
祖烈亭：相博約振陋鉅荒十畝餘坐看鸞飛與魚躍奇：怪  
怪幻玲瓏白：紅：相雜錯小竈人間日月長更拓胸中小丘  
壑右叢茂亭

涼自紅酣起香從靜勝聞虹梁雖可跨龍液不須焚天作池中  
底風成水上文倚楹閑意緒只與月平分右風香亭

漸斷垣頽井不移秀盤古色尚依稀吳亡千載誰相委華表柱  
頭丁令威右盤秀亭在禹城內古井上

直從平地竄崔嵬南向群山斗次來盡此半春留客醉莫愁一  
日不開花水從綠野前頭遠竹向芳菲缺處裁日送斷鴻天外  
去問它更是幾時回右環翠亭

燕歸

舊巢新補西梁西趁得蘭塘雨後泥莫憶年歸去路層樓高  
處海雲低

三月三十日

笑賈長江惜語離苦苗春到五更時伯傷懷似陽關別何似悠  
然睡莫知

北碕詩集卷第七



北碚詩集卷第八

聞盤隱府判換闕

兩考在官當有俸三年待次已無餘驥雖暫展淹州佐鷓欲成  
行盍內除湖上玄猿嗟宿草帳中丹頂喜新雛青冥脚：平如  
砥浩蕩滄江興弗踈公有馴猿瘞湖上

次韻謝盤隱府判

秋簷去年約夜色正中旬月隨水中影沙明鏡裏人杜鵑移樹  
怨蝙蝠抵簾噴誰報明朝喜燈花剪剪春

王守除本路倉使

把茆着在深雲裏亦有殘畬近水邊不作山人沽善價更饗司  
業養廉錢皇華未遠難為別翻翻嫌高弗足怜來歲小團新錫  
賚從公酌第四橋泉

周氏小閣湯堂名之曰燕起

蜂爛蜜脾香將雛燕子忙種萍翻盡絮蕃稻浸成秧梅子雨初

溥蘋花風未涼  
卯金天祿閣  
芳墨浩淋浪

蜀葵滿庭

鬢髮綴薰風  
舞袂涼依稀  
五竺飯空王  
未哦王唾  
三千得先列  
金釵十二行  
桂殿冷滋分  
素潔魏家新  
紫擬芬芳華  
林錦綉連銅雀  
葉葉傾斜背  
太陽

立秋日贈竹隣陳上舍

秋夏纔交事  
征輪勇欲飛  
有詩上行卷  
無地扣吟扉  
梅雪玲瓏瘦  
瓜藤蔓延肥  
戾鯖易充悅  
不似北山薇

搗藥禽

大藥何年竊  
得靈廣寒去  
伴月長生至  
今弱羽沾餘  
瀝猶作當時  
杵臼聲

嘯雲

月下悠然洞  
杳微弗諧琴  
筑與埴荒不  
知林谷鷓鴻  
響何似南陽  
抱膝時

貧女觀音

雪藕銖衣不  
自珍人間絲  
帛謾紛紜何  
如小白花山  
下別剪彤霞  
與白雲

茂書記歸閩

出嶺新吟問  
老銛丹青費  
盡笑無益礪  
陰雪立寒更  
盡總識元戎  
玉帳嚴淡學  
梅花不受粧  
酷嫌脂澤綴  
詞章漢粧更  
在青山外留  
得華風音暗  
香

茗溪新上人石勿

太白巖空夜  
弗扁好風不  
約滿流樵舊  
題寂寞無人  
管散作茗溪  
水上雲

顧寺薄雲伯挽章

黃巖二松下  
別調聽新吟  
尋說五羊去  
寄聲雙鯉沉  
班空華玉笋  
弦絕斷文琴  
宿草春重綠  
傷心日更深



施當涂東洲見寄

騷吟富名流東洲敏風雨小低續綸手聯作石鼎語真龍得人  
畏况復射真虎妖蹤與怪跡三舍亟避去出如一角麟貴若五  
色羽不然六月息扶搖快搏舉

長興趙可齋辟揚州別駕

清俯箸溪流裴回水上樓同心獨陳檜別乘半揚州斗酌江分  
暝輪空月碾秋瓊花難驛寄花露記珍投

湧塘名陳內機小齋曰能止

莫闕殺與函峭絕青錯磨可無濟勝具振衣披我我更復游呂  
梁虎眼漩作渦堂堂濟深涉如此忠信何游子聽我語審聽毋  
媿媿通都橫九達平平非仄頗並駕方崢嶸輻輳相駢羅嗜進  
弗知了十步九跌蹉何如反吾轅自少不自多怡然事天全益  
然毓天和勸翼安故林歸雲仍中阿曉猿時自吟如鳥時自歌  
涼樹坐茂密醉石眠坡陀何須鷄奔靜勝起几科

艇舳蕙萱

国香旖旎賈林扉依約華風變雅遲寫出一莖三四萼紫毫零  
灑冷涵滋

小試涼薰四月初芳心曾不與春疎是中可托忘憂地看睡鴛  
鴦傍母雛

瑞香

譜上先題五老名宮袍雲錦舊為隣華風似惜詩人老一樣裁  
成紫綺新

月丹

辰樣山茶染不如宮黃齊懋牡丹鬚不忤宿雨曦時露玉袖垂  
紅護絳襦

曹提舉榮上

鄉也總聆聲啞聲暗中摸索認輪囷故家大雅元戎老詞學清  
流使節新直指大門標俗子莫嫌高賈着山人紫荷琳館君諾

父說項斯賢不厭頻

顏提舉之官

蘭陵曾頌隣州政除却龔黃總不如又似澄江千尺練只傳陋  
巷一編書坐令季子昌遺俗盡道丹山更好離老我林泉散櫟  
櫟守愚終不與賢踈

贈日本國僧順侍者

粟散皇都藐莫知星分棋布海中派三韓未遠須重譯九土雖  
中共秉彛但見神僧魏跨水弗聞君子陋居夷由余季札高千  
古更復區：梁蹠為

葛仙迂居圖

欲問丹砂不定居絕憐岫嶠令君踈弗教雞犬蜚騰去猶有隨  
行挂角書

陳刑書問近况

孤風晉東土宿望魯靈光跡恨山林阻精馳研席傍環中樞待

轉水上玉生涼一點華風在者、動八荒  
萬卉競春新孤芳見老成闢高紛曉蝶通巧響喬鶯山染眉津  
綠湘澄眼采明東山謝安石深意在蒼生

洪御史

山林色、味講明不識更化云胡更或云卿來三伏馬畫然勇  
作朝陽鳴篋、逸響猶在耳寵以官名只三字昔人謾煮水銀  
銀妾異錙銖相比類袞：王言獨起絕盤詰丁寧古無別眼兩  
腰重不自榮回向高堂一簪雪只今又上四緊頭准擬釣天侍  
冕旒彈壓風煙看制勝取之左右皆相應

黃薔薇

白風一綫度晴熏晚韻繁香態度新：壓屠蘓湛華玉古壺斜  
插淺浮春

舟中

詩八

四



物華雨後各矜晴紅得晴多綠便爭未與東風寫懷抱綿蠻已作送春聲

蘇叔党所作蘭蕙

風雅傳衣到小坡筆頭分外得春多佩寒帳冷空遺恨澹寫孤芳續九歌

雲山道人榴桃橙橘戲墨

造化工夫竟屬誰墨花豈恨子生遲海榴不與山桃約趁得橙黃橘綠時

次陳中書木犀韻

一枝開月葉萬粟脫風埃我欲乘風去君須采月來降真當換骨甲第合班梅較<sub>二</sub>都吹了分香到綠苔

酬寧國陳中書勸耕

深聞禪扉未扣關先將鳶尾掃層蠻貴於步櫟狂工部健勝遊山老謝安靜裏韶華天宇大笑中耆艾酒尊寬獨餘繾綣林泉

思更為山紅小倚闌

包氏臥虎圖

猿臂將軍死弗戾發機百中巧無酬不逢肉醉眠山路飲羽空嗟老石頭

廉上人得元暉活法

微抹岑樓不見尖澹迷山閣不蜚簷一從蒙<sub>上</sub>頌雲收後活法知誰付阿廉

破琴行

軫折徽殘弦索亂貼壁綠空暗塵滿歷聲爆得黑髯皺蛇腹庚庚成百斷爨痕孰辨質與真古已往矣思古人木雖就槁聲不槁老龍勿吟誰解聽得時鄭衛嘈雜鳴泯然韶濩瘖咸英南風不競愠若醒林林俚耳安知此還天滿地浮俗子還我知音子鐘子

李帥新創溪山真趣

詩八

五

動者智之機惟仁與靜宜天開真箇畫誰識自然詩水與雲相  
友鷗馴鷺不疑終南譏捷徑有耳怕聞知

大洞

纔入膚生粟炎炎伏暑前凹中元有路虛處豈無天待扣鐘非  
簾將崩石架舡蜿蜒毋熟寐我欲慶豐年

石鐘石船皆洞中物

續王黃州四皓贈荅

遮得冥冥翼誰云漢網寬劫謀飛隼疾克爰拔山難旒恐懸中  
斷孟從覆處安不如甘嫚罵莫受子房謾  
白眼者隆準悠然見屈伸奇功魏弗處峻節退無隣用則王非  
伯潛嗟漢不純雖止秦日月猶是避秦人

用前送行韻寄趙編修可齋

燥石與金流懷人眺晚樓忽聞提健筆喜似得神州  
不多日白䟽相次秋只分千里月木李不中投

是日郵報得三京

稻粒

寄盤隱府判

閑把新抽粉節題疾邪字字賦心思溺非袖手無遺授唐是專  
門忍助為

疏中云叻唐守為唐

山水流花盡處人間豕燎風焦時盈虛消息

還來復六月扶搖豈遠而

祠山解后陳舒州

盍步花埭草制書尚煩丐外替中除肯堂肯室五經笥難弟難  
兄三鳳雛家學不逃鐘鼎賈野情弗與隱淪踈乾坤肯負真宏  
博聊為斯文發緒餘

伯時二馬

刁斗無聲肯宿秋不知猿臂未封侯尚堪汗滴沙場血花結青  
絲恨絡頭

市駿爰從畫駿謀何如脫鞅縱驂駒青青許負覆眸子不識驂  
駒只相牛

佛國白赴召劉侍郎無言與諸賢作供於報恩題壁  
以紀傍有隆茂宗所作古木怪石



白也度苔谿諸賢重挽携金刀眷良集鐵畫繁芳題神護藏書  
壁鴻留印爪泥阿隆霜幹老附竝薄雲霓

狀元袁府判作詩贈王司理其略云簡州號工詩只  
今在市鄺試呼一問之參寥師孰賢王索荅酬以四  
十字

籍甚參寥子臨平破夏歸弗經人道語肯落箭鋒機盤老珠無  
定泥沾絮不飛長公歸玉局千載賞音稀

送伊侍者歸嘉興

伊終十二三便學善射參諱癩偏晨起忘眠聽夜談阮貧居道  
北符學近城南已壯貧如我青青看出藍

古松下禪僧圖

眼明千載老風烟幽思悠然喜欲顛疑在浣花詩裏見只無松  
子落僧前

米家平遠

對豈無根瘦立雲疑有蒂慵飛好處不經人道一家父子傳衣

聞曹侍郎訃唁太博大孝

去酌孤山六一泉吟邀兩袖遙諸賢郎君拾芥登科後老子懲  
姦去國前鬢自侍郎班裏白宮從天子學中聯半輪不死峩眉  
月還鄉滄浪闊處圓

寄真尚書

京索風煙一日還東山起了到西山應知雅量渾相似默蘊沉  
機只等閑棋妙勝於淮上捷扇輕銘露管中斑公近作扇銘共為天下  
蒼生賀不為蒼生亦破顏

雪林李兄偕昌國長之官

潮漲家門雪無風亦震雷飽帆蜚百尺飢蜃吐叢臺綃展併鮫  
室珠明剗蚌胎春城種花地冷帳小蓬萊

趙左廂再薦

勤苦佐豐年成功只聽天聊揮數寸管不費一文錢燈燭層葩

剪揚曾百步穿宗藩大廷對可惜兩名先

多景樓

好山可是登臨少此地云胡應接多天自有初恢壯觀人非無  
故輒悲歌煙收三面平開鏡雨後雙鬟對館螺欲辯南徐古徐  
話忍將名刻細摩挲

很石

石很與孫傳安知很易柔借州託強援歸妹叶奇謀蜀相死猶  
勝晉宣生可偷吞吳恨如海微意似尊周

蔡山在江陰北湖西相傳是蔡邕伯喈墓

身與東都孰重輕至今猶擅蔡山名四圍深壑方方禁千古英  
詞凜、生漢鼎已歸曹馬手胡茄猶播管絃聲傳家更有柯亭  
竹曾作岐陽老鳳鳴

三高亭

雪灘祠三高高字累三子故夫三子者凜、元不死西風動歸

思不與歌散殊用則謀人國不用淪江湖名節照勳庸人與秋  
容潔浩然天地中腫、湛華月

虎丘

門掩怕山移稜、塔填歌斷崖抽曉碧死草借春滋地狹樓蜚  
巧雲低屋跨危雨花臺上石不似點頭時

劍池

雲根無底竇或謂水通溟下瞰幾千尺高標第四名鬼題孤獨  
字劍湧屬鏤精翠秃青殘處黃州舊勒銘

二月十五陳樞密席上

上苑春常早北海尊難老朝來清鏡中滿鏡朱顏好回觀斗以  
南如此能幾翁秉彝固全德數量齊崆峒坐寢淮南謀俯眠汲  
長孺廩然老精神折衝在尊俎吟律行師嚴四海巖、瞻莫袖  
春風手膾炙天下口

種楫



一枝春種水仙兄  
着子先調老菜羹  
鼎鉉工夫求近効  
怕難得似黑衣卿

槃隱

考得幽棲地怡然  
勝美除未歸已彭澤  
不夢亦華胥綠繞清分  
遠紅稀碧間踈漁樵  
莫爭席不是野人居

秋壑

冷風在懷袖何必借商弦  
就下識天巧適安忘地偏  
寒泓嫌雪暖秋草似春鮮  
見說蓬萊遠依稀拄杖前

秋壑親迎

龜筮從元吉征車慶禮成  
駸迎七夕脉耿雙明羽  
飲黄金的雲翻紫玉泓  
扇鸞蜚翰墨誰不解卿

王神童侍郎孫

夙慧雖無帶抽萌便不凡  
蘭薰騰玉砌戾國薦冰銜  
荷橐行須復牙籤儘療饒  
一經千佛字先把客兒攬

杜鵑花

染得深紅剪萬葩  
春歸獨自絢韶華  
丁寧莫受西風誤  
誤使人看頃刻花

丘監丞入新宅

朝日烏爰止東家喜可占  
慧日東住槐陰隨舊砌  
柳色動新簷  
圖史雖添富田園僅養廉  
清才少閒日那復久相淹

為老僧化衣褐

浙瀝寒生菡萏池  
雪殘老藕不成絲  
老僧歲晚無衣褐  
却遣靈均去問誰

木犀著雨

擬續小山吟庭犀漬弗禁  
再花仍剪十日苦涔墮砌金難  
燥隨溝玉不沈安知廣寒殿  
幾日掃重陰

木犀得晴

宿翳開新霽繁枝耀淺黃  
還如醒滯思又似整殘粧  
碎影仍多

態晴天別是香坐分花下石勺月薦深涼

舟中中秋

樓外與樓頭無如一葉舟輕風隨月走江遠與天流好是今宵  
滿新於曩日脩水雲相汗漫襟袖獨颼颼皓來通千隙寒芒洞  
六幽無枝空繞鵲有約不驚鷗漢掌仍承露秦韶未換裘弗須  
占蚌腹已自歷江樓欲放儀隣老長隨蟾兔游一年看晦朔終  
不似中秋

靈巖

斷崖蒼玉削四繞綠屏惟無港不相接有山如此稀樹秋連石  
瘦雲晚截湖歸一點西風急蘧蔭相趁飛

夫差避暑宮

天漸連天付水犀離宮表裏萬山圍越帆直指吳松落猶在娃  
宮醉不歸

楓橋夜泊

誰遣蒲牢吼夜闌玉虫剪盡玉脂乾高山流水易為賞求賞此  
聲人獨難

書雲後三日遊致道觀

九日同遊柱史家野英羞溢未成花重來又是書雲後剛德繞  
抽四日芽

酬鐘省元

東華肥馬塵雋遊浩如海擇交如觀瀾滌濯百谷瀨一瞬判清  
渾三舍避狷怪膝趾望塵金簪愧側冠瑤三四成朋曹千百繁  
行輩爬搔甚翎羽嘲嗜赴籠械弗與衆接吟亦復遠分界知音  
丈人後有玉無善價哦詩山月傾奏賦金馬待青錢不俟選白  
眼又馬浼采筆雖暗投雪曲獲佳配朋來得分賞客去但獨對  
鮮明雲錦囊名氏擅先載壇想陶謝登盟憶曹劉會所交貴同  
德所贈勝雜佩一夔未鳴韶族庖已芒背悲涼吊楚騷慨慷吟  
齊薤寧方不為卿至圓在其內圓方為時中俱付形骸外三千



風月篇紛、課誰寂

寄潼川東路李漕使

鄉來西江遊見公，水陰博約劍津掾。亦復聆正音。

時在利司理家同飭漕為新城簿

轉眼貼天高，再見無路尋。把茆丹丘城，謝家蘭玉森。君家龍首

兄絳帳聞沈。

漕使兄狀元在謝丞相家作館

有時過蕭寺，借榻清風林。笑我泉石痼

示以膏肓針，欲彈廣陵散。惜無中散琴，欲上南陽疏。不如梁甫

吟，琴以歌南風。吟以道古今，一鳴才豈忍。見鳳鳥瘡腫，垂景

星坤維長照臨。

小雪

入夜蕭蕭，響聲消恰轉。更僅能酬節序，不足珍蝗螟。瓦縫何曾

滿庭凹，亦未平。窻踈燈欲死，俱誤照書明。

秋壑赴豫章倅

西山爽氣在肩睫，不在攸然得句時。髣髴長沙少年樣，清新瘦

島晚唐詩全提。韜畧親分付，半倚軒星看設施。笑指貂蟬舊時

物自兜鋒出，恐成遲。

一陽生賀曹提舉

六陰纔伏便回春，剛德潛隨君子生。白日舊從黃道正，使星今

傍紫微明。冰霜不作三冬凜，權量行歌一道平。湖上詩人望歸

節，御屏風上已題名。

書菊礪屏蘭

欲酬天問些靈均，九畹歸來活寫真。采筆不知春去後，自芳元

不為無人

謝太守張都承

三吳富且庶，亦復多名流。比屋衝棟書，千斛銜尾舟。季子有遺

烈，列國古鮮儔。人生五馬貴，彈壓如此州。欲雨天作雲，欲晴雲翳

收。幕府非無賢，大田今有秋。不知夫何如，夙夜常軫憂。稅畝濟

楮幣，濟艸恐不周。刮剔雖刀餘，豈若仁義優。歲富當在民，富民

安用侯。迤邐及間架，分毫相校讎。陵遲必哀痛，噬臍將誰尤。剝

床既及膚民瘼何時瘳公乎小留聽毋斂雙眉脩唐虞有神算  
禹臯相協謀芝蘭擷無遺杞梓畢見搜四郊固多壘豈在一已  
著何如緬加餐緩帶姑小留道聽懷好音後苑摘詞頭未解頽  
川組已覆黃金甌

題栢嶼水瘦屏

此妙伊誰得能名惜不聞痕收新漲水瘦宿暝歸雲煙靄疑無  
墨鳧翳不亂群可堪擅毫素幽詩盍平分

題趙生着色兩厖

向來爾祖在西都掌監同聞誦子虛直與吠堯群類別短屏寫  
影護琴書

贈婺女黃澹翁

掉牧羊鞭弗學仙十年不轉舊星躔儻無鄭廣文官舍醒欠蘇  
司業酒錢前席對床偃死火反騷續雅聒清眠江湖事業掀天  
地豈在纍、六印邊

元宵晴呈倉使曹秘丞

元正霽雪卷陰機做得晴如此夕稀金齒新紅連夜發玉輪初  
夜碾雲飛漏隨冰泮生和暢海湧山來并峭魏莫把笙鏞駐麾  
節禁林樹、響催歸

苔梅

苔衣槁幹起枚條的皜生香韻更饒領袖鮮風高素節精神華  
月凜清標冷看不若同踈幌煖熨何妨酌瘦瓢瞻望白雲天一  
角年、思遠寄迢、

足娛山亭觀梅

紫萼騰芳金撚鬚一花破白萬花踈若非參子黃昏後應是華  
風邂逅初樓上略停橫玉手攏頭聊代故人書潢流漫、無清  
影試淪山泉道石渠

酬洪朝奉

棲居八十行地仙兩脚踏土輕躑、飲如長鯨食如虎老齒不



搖金石堅年、正三二月天花間幽討酬芳鮮要續李杜三千  
篇晚唐不足爭媿妍歸來醉臥北窓下靜照無私觀物化孫枝  
生子又生孫鼎來慶事前無聞堂中衮繡方爛、門前桃李長  
紛、斂福錫民天所祚吉德在躬如密付要看壽富享天然重  
陶六極熙、然

破山

兩雄用壯勒不回觸斷山脊青崔嵬挾風卷雨上方去旱火擊  
翻平地雷澗松盤拏俯魏跨鐵幹銅柯闖雲鏘鮮風不斷瓔珞  
珠檜老枝腴亂零挂四老墓田樵收踐莽埋秦塞無人剪振古  
芳塵玉象高印泥遺爪霜鴻遠舊吟新扁皆珠璧雕梁雪壁昏  
題蹟水流山空春晝長番令人憶贊公房

泣凝雲高士

晦朔憐朝菌誰云羽化非鼎芽靈液煖草露太陽晞莫上楊州  
去須尋華表歸雲埋金粟路盡日鎖春霏

送寬堂赴南外判宗

教欲明南國無如小召公墳麓後先奏魯衛古今同特操銀潢  
遠清班玉笋空洛陽潮雪外脚、是華風

黃薔薇

紫透紅殷態度陳露葵生色借芳新春風便是黃金屋羞殺黃  
金屋裏人

芍藥

素瓊紅玉暈輕盈落、層、傍砌明大雅不收成謾與定隨姿  
態昧脩名

喜雨美王長官

四月五月河港枯下田上田龜拆塗山湫劍洵龍光閔一呼便  
為蒼生起油然請命朝帝閣觸翻玉女洗頭盆女從帝傍輒大  
笑紫金蛇掣噉重昏田穉九死皆返魂舳舻銜尾沙水渾扣如  
虛谷有逸響享以明德無繁文去年老瓦鷄豚酒酒酣說尹終

在口屬聞今復辨夕、更聽醉農新詠歌

竹巖名其弟別館曰山水窟

醉翁不在酒似與老坡同盟德裕仁智如君難弟兄可無經筭  
獵亦有官城耕喚起舊山賊清吟入細評

崔中書家藏閣立木醉道士圖

顏簪墮髻鴻都叟愛酒如金叵常有有時得輒止奔鯨各開吞  
海蛤研口不辭一醉一千日干日芳鮮致無術臨風大呼劉伯  
倫欲分餘瀝洗濁淫伯倫拍浮酒船裏不信人間有涇渭須臾  
酒醒騎馬歸雪精玄牘顛倒騎半醒僮僕相扶携鬼岸混瀆忘  
顛隣狂態百出弗自知畫手一笑盡得之如鏡鑄像尤出奇想  
當恁時百不理道德五千風過耳更復沉酣到六經六經古人  
糟粕耳

連月閔雨倚閣稅畝令下一夕天霽

謂是洪羊雨洪羊幾日烹天慳絕自破田稚忽更生漲溢重湖

涿懼騰萬籟聲斂藏天下富無廩不常平

雨後復旱呼海嶼山龍決旬復大霽

龜田似大橫剛燥不容耕秧瘦無新思舟膠阻去程滄思梅雨

後寒厭麥秋晴早魁方為虐無容頃刻生

久矣惟心禱呼龍狗物情均沾四郊足不負九推耕蚌活沙頭

脯鶯新雨後聲婁豐斯在望老瓦醉秋成

續東野銅斗歌送平江張都承

拊斗荅虛籟和寡唾笑多得時朱離淫苟合終不和悠然得遺  
響如得金叵羅還汝金叵羅聽我銅斗歌

老我老銅斗可糝亦可糜旦旦數瓶粟不飽亭午飢層冰十萬

錢剖蚌鬣鬚絲宏功厚斯享毋使宏功墮

斗也賤者事拊擊諧吟謳吟成襦袴歌謂尹當借留尹如黃穎

川又似韋蘓州重臨亦不惡領略滄江鷗

觀破山池白藕花



欲看芬陀利，攬涼曉入山。毳宜松露馥，屨惜薜文斑。蟄破洲靈去，腥隨澗雨還。歌禽破幽寂，深樹隱綿蠻。

丙申六月二十六日作飄風行

踈樵夜肅，須臾復蕭。怒穴士囊口，倏若錢塘潮。舉屋如斷梗，拔木如拔苗。破山老蒼髯，深林古風標。蟠錯黃金園，戛摩叢玉霄。九秋婁戰伯，萬竅皆聲銷。拗折巢鶴頂，擷折潛虬腰。断裂到臃腫，更復論楚翹。閱世今幾何，殞身不崇朝。遂使青童童，不及紅天天。痛此梁棟具，充它烹飪樵。夕應蜚廉慵，虐致生物妖。至今月蝕篇，首惡當嘲調。因依獲附麗，傲狠仍矜驕。佳樹首見凌，綠髮首見雕。曷若涼解愠，又令不鳴條。生春日酣酣，吹雪停瀟瀟。昌稷豐蕤，四郊掃烽煙。九天清沉寥，雲開鬱藍天。觀闕飛岩堯，群后靈在茲。不曰舜與堯，願輟股肱佐。下昌熙洽朝，天遠雲不來。借便搏扶搖，既作飄風行。十有七日風雨倍前，乃賦後篇。

夏首魁為虐，種插喧岸車。駸駸六七月，原野皆菁華。再拜田祖賜，慰帖海若家。大有課水耨，小康占山畲。因依瞻江雲，西北起礮重。歸來省戶牖，網繆亟撐義。須臾眈溝壑，指塞深極杞。大塊果噫欠，天闊誰能遮。水立十丈渾，吹沙復流沙。江海尚若此，奈此杭稌花。再駕繞決旬，怒很尤雄夸。蒼聲挾霧霓，谷口應鑿研。豈其發育初，繼以肅殺加。吹噓咸失中，刑賞仍過差。鄉耒赤壁火，萬艘沈碧涯。鬼操逃天誅，不勦殘賊芽。巽二死餘責，噬臍徒咨嗟。矯矯水中龍，浮碇千萬艦。尺箠笞獨夫，鼎足成一家。至今說蜚龍，慷慨徒拜嘉。云胡艱難際，狂暴相紛拏。耕夫日懸、盭媪霜髻、欲刈爭淬鑪。欲獲競整耒，私償憂并吞。官輸虞扑極，妄冀豐民天。仰天號且呀，反吹果何道。身正心不瑕，澆澆沸芻蕘。靜默宜無譁，聰明弗遐棄。試以置齒牙，千慮貴一得。何必芬於麻，更詰姬旦鬼。勿謂東山賒。

寄王平江侍郎

詩八

十五

在御無絃別有音音中逸響豈難尋一彈首警乘軒貴方古群  
空立仗瘡肆狡缺唇安夜冗憑妖九尾遠城陰雙旌不駐夫差  
國誰振延陵季子心  
浮俗伽梨水上萍池塘密、蔽澄明疏開堂印邀麾節神出臺  
緘救剗點才辦買山錢未了又營捩鼻未隨行懸知不是緇雲  
福詎敢忘憂術獨清

王侍守治生鬼神徐提點

日月何私等照臨坦然明白動幽陰其餘不信信諸已所以無  
求、放心妖可擊蛇惟笏在河當娶婦遣巫沈不知今夕復何  
夕起我懲奸誌怪吟

錢燕

去時不似來時好舊海棠叢錦幄低未必秋風便翻幕樓空巢  
冷不堪棲  
歌樓經雨損花枝魂斷無情白傅詩不咏阿京坡上土地荒天

老總愁思

聞笛

天籟無声地籟沈一轟千仞裂層陰曠、喚得關山月不作離  
鷺別鷓吟  
煖力輕盈透鳳膺借商喚得老龍膺不知孤負秋多少盍向坡  
翁謝不能

第三度風潮

風顛雨橫田為陂沒頭禾穎靡孑遺佃夫晚我謂我語不德致  
此緊誰為肉食標吾稼螟蝻舊章借亂民蚤蟻民不畏虎寧畏  
官汝違卹我輸官難

垂虹中秋

晚來林屋仙鷺尾掃疎煙未歛騎鯨侶先遮下瀨船一規霜固  
固萬頃玉漣、枯却明河詠收還金薤篇鏤藥烏足擬石鼎弗  
須聯等是春風手清諧湘水絃空書聊復尔風御已冷然傍晚



休驚怪吟中別有天

十六夜月

今宵較些子，枕自勝閑時。圓缺有常守，陰晴無定期。伊人紛好惡，嫌鏡改妍媸。玉臼藥長在，霜蟾家不移。金波仍眩轉，掌露儘華滋。連璧何妨晚，修輪莫問遲。終逢桂殿冷，便結庾樓知。十事九違意，浮生幾展眉。淵明十日菊，蘇子一聯詩。不是心如月，安知月不虧。

送趙左司

故園風物望歸遲，趁得棖黃橘綠時。潮不失期惟有信，象非無膽愧頻移。素知天定齊榮辱，應有人嫌不說隨。試問王家第七叔，群山何似戴山奇。

趙憲使席上

鄉來踏雪盱水濱，雪雲貼水一樣清。老玉堂僂在江上，玉色照耀梅花明。亦有過庭一雙玉，翠鸞矯、停梧竹。乃翁事業在太

史天遺墳麓響相續，浙江以西秋雨餘。一道十九幾為魚，懸釜併日相煦濡。官憂輸賦私憂祖，鮮明綉衣霄漢立。終日講明荒政急，只今人命在盆底。犹解倒懸端不啻。

孤山泉石泉

改火煮冷、坡翁夢亦灵。曉花雖滿鏡，夜影不移星。疏石供茶鼎，教誰續水經。每來頻鑑止，同渭不同涇。

送泉南趙帥机赴湖南之辟

潭北湘南路迢、幾許送十連。開帥幕萬斛趁秋潮，地籟喧如市。天漿旨在瓢，典刑具前席。以次應佳招。

荆山劉成道語別

帆歸自淞西，又是海棠時。多壘為誰耻，六奇何處施。酒壺東向月，心事北征詩。長嘯萬松影，傍觀萬戶棋。

謝懷安州王守

一寸長淮一寸金，城千里障塵侵。犬羊未識元戎面，廊廟先

知國士心坐使春風生掌握行孚大信控喉襟夜嚴玉帳清如水小復輕裘緩帶吟

### 湖上送客

恰則春歸後分携又一年絮生萍點藕泛葉田濃綠草如染輕黃梅未傳出閑錢有禁貫得百金甌

### 送朱監簿

繇解北歸驂鋒車又指南致身當重鎮掩耳謝空譚山斂層鬚江平曲藍拈將桃柳恨留與退之參

### 書米元暉寫蕪黃秦贈元章詩卷後

南宮逸蹟直欲飛元祐諸老嘗品題新生之憤未易控仲由未見孔子時紹興天子紆宸思詔寫前朝斷碑字縝密中藏軒豁意鄉党篇中見孔子坡仙滑稽肆吟詭獨與黃秦細商畧平原太守雖畫沙柳家新樣元和脚顏筋柳骨人不知有子夜半親傳衣換鶴風味起凡調換羊更索仙坡笑

### 送徑山元書記歸池陽

又說池陽去先尋弄水亭且藏雙眼碧歸對九華青粟稻霜終穫雲房夜莫局有來無逸駕勒駕有山灵

黃粟稻乃開金山地藏自高麗帶來

### 謝常州蔡提幹

蘭陵傳近信喜似得鄉音州篆六龍鼎門標齊斗金故人仍道北逸興似山陰綠繞簷前水扁舟欲訪尋

### 郭教授自常州來得蔡提幹書

門丁通刺字道是小汾陽宅相有梅屋子衿森鴈行蟾犀排麝馥魚蠹避芸香冷帳春風煖何時話對床

### 問天慶觀奚高士病

常州

蕙帳癯仙老因仍病日侵樓寬恰方丈策瘦甫逾尋谷響呼頻應瓢虛捺不沈百年渾得醉不醉百年心

### 泊万俟子紹書院

舍權吳松曲來尋獨冷盟誤對聽床雨喚作打篷声漏緩更籌



滴春從水驛生曉雲駐宿翳我欲趁新晴

風泊澱山

舡壓濤山碎風狂玉雪零未瞻孤塔影先乞小姑灵汗漫開天  
險聰明在德馨丘之禱久矣尔自扣心扃

澱山寺在湖中

千港乱流歸天沈影弗畦遠疑浮玉小高步落星低舊日觀瀾朝  
雪新來罷水犀闌干憑月午一眼碧玻璃

別孫都倉

節制作鹹利悠然見設施工夫雖自小鼎鼐却相宜盟鷺鷗同  
遠及瓜梅未知有書聞季父為政別時思

如隱索賦雙梧

朝陽盤錯地分植在庭墀百尺廩雙操九苞未幾時孫枝雲雨  
上星履典刑垂莫遣鷓鷯類類來振羽儀

過周驤甫勉其教子

勿謂幽居弗自怡見成湖泖作盆池澱山只在虛簷下又當山

焦與水梳

勤儉工夫自作娛又將餘暇課兒書盍先樽節儲脩脯莫放春

風冷帳虛

響山閣

有耳誣墻壁無声謗瑟琴一机纔破敵何處弗知音澹墨微茫  
古哀絲天闕沈天風號萬籟終始不曾瘖

過泖

問津水驛夜迢、泖闊風微水不搖舡似井蓮花葉小不禁吹  
鬢冷蕭、





寄唐察院

他日臺網整頓難獨觀風旨弗他觀脩名夙振駕鸞序元服纔  
加獬豸冠已肆濁流隄袞、更教華月振團、都人快觀青驄  
馬不作從前款段看

淵明畫像

司馬家兒歷數窮可能特地振孤蹤永懷東土清風遠不把元  
嘉紀歲終

龔料院挽章

滌器笑相如呼兒誦子虛諸公方薦鶚仙鳥已騎魚臨鍊俄翻  
鼎儲林未結廬只成幾望月無路問蟾蜍

錢知府葵窓挽章

仁者胡為勇全師不足加一身百夫禦三世四王家修竹老彌  
勁甘棠春自花白華詩欲補有子振光華

謁趙倉使二十一韻

昔分淮東天河海幸潛濟悠、不知遠僅一衣帶水今茲一道  
惠列城洞明偉可望不可及弱水三萬里山林日深宵蹉跎坎  
井底勇聞譽盛德半屬天下士古調振騷雅時樣列駢儷苦語  
難頌詠惡石必先者在御必驍騰在治必精美謹於千慮失詎  
忍一得弃餘訝浩如海就下拓涯淡朝夕不知了莫測方寸地  
老我不足為把茆冷雲際樓欠元龍臥門尋子雲倚小振伽黎  
肩載整蒙茸刺高視藐豪放細意問音字倚阿勿麾之我欲見  
君子况夫君子鄉疇曩屢游止蓋代品題手聲光動天地公乎  
皆雋髦願聽星辰履大雅倘可作鄭衛賴一洗

舟中絮

弱弄輕陰却又前析雲泝霧不成綿濛條破處隨風入驀地因  
風又出船

陶窓

如在羲皇上都忘我是誰聞鐘還入寺無酒却攢眉籬落西風

晚琴書白晝遲千年續遺響側枕蒼涼颯

羌村圖

河朔塵昏孰解紛零丁獨走不忘君麻鞋見了重瞳子還憶江東日暮雲

書先天秀鴈圖

舊隨燕、擅周詩海北天南却背馳惆悵同經弗同里好懷長似燕差池

雲錦

十丈花如織酣、拓具區新於機上落勻似鏡中鋪容與翠綃幌渥丹鉛粉膚越溪霞湛染楚夢玉粲腴隋棹新帆遠吳宮小隊殊綠歌繁雨蓋碧間裊風蒲勻月清秋冷生涼暑晝蘇天孫旌浦淑水帝展屠蘇紅白香無別明光影可輒蛻塵古君子具體小西湖彷彿象雖曾賦形容似按圖奚囊如可製閩剪貯陶珠石罇水僊

縹雲淺拂襯中單蕪石蒙茸伴月寒欲與南枝分伯仲為兄恐自季方難

石罇蘭竹

條叢疎薄惣虚心傾國香葩闔石陰不是阿青幽思苦屬誰泮墨寫蕭森

酬方司法一首

五字堪呈佛投珍頗惜哉湯、大雅後衰、建安來逸思屬萬象空庭步幾回海陵藕花幕已為故人開

劉改之葬崑山山寺下邑人不知葬處

凌煙不著老風騷劔湧深雲錢未消獨欠張華眸子碧寒芒千丈夜迢、

須酌墳頭土易乾何如黃鶴斷磯船會看潮雪葡萄綠喚起長鯨快吸川

書響禪師開山石壁



虎馴石上倚藤枝細把興亡問嚮師千柱已隨煙焰滅何如表  
剎未聞時

雨後

老火無蹤鴈有聲雨繞戟伯八紘清西風帆落崑山曉隱隱青  
岑玉色明

中秋月

月是尋常日云胡迥鮮潔老火日就地盡掃群陰屑三萬頃天  
秋作底連天灑氣清如水金波炫轉光流澌團、冒若初學眉  
玉虹跨水腰百圍翩然飛佩湖雲低尺筭緩把單于管且復鞭  
虹隨月飛月中先枝少年日老蟾老兔曾相識鏡裏功名兩鬢  
青却碾冰輪洞八紘

送王侍郎改除二首并引

洪憲時急老成蘇雖輔郡不足以觀展布將昇大任  
允濟生人輟采樵歌見諸狂斐一過電瞞幸逾万万

闔閭春秋城風煙俟時振乾坤不改色民物見天定因仍古道  
漓靡然隨俗移中流屹頽瀾萬派皆東之沈機靜弗諱澄湛物斯

格和煦生點、陽春蘇頌、翩、不容駐宣化思盟主問之何  
因爾去留有常數真宰知何心惜閑如惜金天慳不容破破不  
為佞壬我知真宰心暫適滄洲趣恐此復偶然還須濟川具一

又

泉石豈不好老我泉石心可無鷓鴣枝來傍威鳳林鳳兮千仞  
翔覽德斯下臨青冥叢玉霄洞視潛伏深槍榆六月息共聽朝  
陽吟梧桐生朝陽老榦垂層陰夕靄照晨霏涼入薰風琴扣弦  
借清商千里秋沈、鄉來嘲晰聲不復沸釜鶯卷舌絕音響泯  
默如病瘖采羽仍嚶、善類還悟、醴泉與竹實報効杳莫尋  
且復事頌禱聳德齋巍岑詞藻苦羞澁憂擊非球琳佇為王者  
瑞九成儀韶音

華亭明行院

三女岡邊寺樓臺舊鬱哉近郊聞見放陸地出芬陀天福雖營  
剎中原尚枕戈煙塵絕淮海熨帖看鯨波

禱雨龍詞

魃奚為旱虐亟問海隅龍山吐四更月樓敲三疊鐘天應怜獨  
苦年亦豈終凶霹靂轟平地濤然足四封

熱甚

四壁除遮障炎風似熾爐汗隨停扇滴氣逐漱冰蘇銷暑露寒  
殿歸仁扇暍圖一盃槐葉冷誰致錦屠蘇

賀湖守州太守劉右司

輔郡殊非列郡同樓居閣著水晶宮膽嘗故置煙塵外心在清  
流湛染中看不足山歸賦詠發無餘蘊到鴻濛華陽壁記多名  
輩先為蘇家述長公

送陳時齋赴湖北憲辟

昌與元龍別河梁五字詩多君堅素守交臂得深知憶過鴈回  
處料當梅放時驛馳行卷外更寄向南枝  
倫間雲偕時齋行

諾重黃金俗倫名與布齊不情山可改定見水難西七澤雲生硯  
千江月透犀寄聲種桃者且在武陵溪

趙大卿歸自四明

玉輪碾秋旻一印百川分光落涇渭湛染尤澄鮮素冕當清  
流似喜清流賢冰漸鑑伊洛支脉逮澗灑悠涵萬象同洞  
九淵可照濁水源豈異投漪漣涇也自由渾月也虧仍園各不  
改故常亦復無黨偏不知夫如何竟為渾者猿天高杳難問此  
理何時宣

中秋無月寄吳侍郎

塵殘老火豁瑤空誰遣雲生桂殿東未必清明如五馬故令霽  
靈洗垂虹涼燈薦喜占晨霽渴稼懷新樂歲豐遙想半輪秋未  
老瞳、襟袖振華風

送王常熟左藏二首

常熟端平政難於子產初有田皆可井無港不容疏龍斷家安



業閭閻夜讀書山謠出林曠處樂樵漁  
志士殊超俗平常不作奇到官如去日歸索似來時尚有皆名  
世公流逮武夷由來清操別端的畏人知

送趙知丞

或謂公當去人誰不喟然獨清非街俗衆醜自憎妍華月終能  
滿蒼蠅弗足扇滔、五絃水千里共芳鮮

善權修造訖事

林表煥丹碧化出一段奇鄉者未始見今也其誰為金錫來自  
閩萍跡終止茲跨門懷往昔視篆恢宏規所立志先定志定山  
弗移苦心忘艱勤佇思常委蛇復道行半天雲影低四垂叢玉  
坐上天白花水中坻兩忘深且高旁丘崇與早天人既交際物  
我咸熙怡殿以舍空玉空玉顰兩眉長恐屋打頭乘桂西防墮  
稜層加峭峙柱礎真仄歌彫零古象設一、皆新之瑣屑與滅  
裂整頓靡孑遺淒涼佛前燈蘭膏添滿而明光號無盡安知無

盡時咨尔北山咨尔吾无孝兒曷如然此灯千花開不萎鬱密  
暝雲蔽浩蕩剽風吹不滅相配天陽熙

寄趙左司可齋

橙露薦華滋江干記語離斷虹收雨後風馬駕潮時夢喜登門妻  
書慙去翼遲橙今還可剪浩蕩鄉來思

讀曹侍郎去國表

立螭持素孰非榮未若江頭一葦輕失侶鴛鴻空悵望喜歸鷗  
鷺亟將迎雍容譚笑不但已去就始終如此明疏似南陽出師  
表盡傾肝鬲寫生平

寄江東運使唐察院

勲業可曾看曉鏡垂虹回首鑑澄波明鮮巨惜隨時染暝眩其  
如變證何舌在未忘輸諤、邊儲聊復辦多、驕嘶只識瑤池  
路伏丁如何噤得他

強齋高秘閣過訪工子侍

囊粟排金破黑甜  
曉來乾鵲響晴簷  
西游佳氣作秋爽  
東聚列星應夜占  
雙玉佩聲隨步武  
老人躔度動沈潛  
豈惟蕭寺生晶色  
白叟黃童亦快瞻

破山夜集

出戶天疑雪  
幡然兩滴簷  
未飛盈尺霰  
先失半規蟾  
寫壁催更盡  
銜枚戒夜嚴  
却須重刻燭  
囊粟剪纖纖

次丘監丞破山夜集并織字韻

領客能官樣  
鴛鴻戢翼隨  
題無流處葉  
續有醉時詩  
聽雨思歸者  
尋梅且已之  
小池疏積淤  
何必賦盆池  
擬把南枝雪  
簪坡醉帽簷  
袖春如有脚  
鑑水影無蟾  
采筆吟方勇  
長城令更嚴  
僧房雖冷落  
簡古發穠纖

萬竹陳兄伯仲相過

伯頃曾奏雅  
仲氏又同忝  
眼白難為俗  
衫青定出藍  
綴虫燈剪  
妻談麈鼎分  
三寂寞空山  
曙無從駐兩驂

送王梁山

置書學劍漫遊畋  
百萬樗蒲一擲先  
結客締交南蕩寺  
買花載酒後湖船  
三邊百險常單騎  
五馬雙旌未十年  
莫作揚州貴人  
樣兜鉞更解出貂蟬

謝喬丞相

神樞卓絕當環中  
物虛應無終窮華  
風一點妙埏埴精  
神千里看折衝判  
然經濟歸詳鍊  
有若星光繞檀篆  
崎嶇詰曲到無餘  
冷地靜分千緒亂  
空山觸蛮亦云恹  
山鬼陸梁僧顛顛  
頷施及無求益見真  
意當適用偏多感  
千古拓提成再造  
招提設當百粉直慙醅  
不了垣傍紫微  
何處祝道場  
山頂何山麓

題丘使君竹坡

人間苦炎熱  
君家寔戶涼  
人間苦埃壘  
君家如瀟湘  
入門洞真趣  
繞戶皆篔簹  
華月篩碎金  
鮮風憂叢琅  
初疑低地碧  
忽觀拂雲長  
不倚見特立  
側挺終弗僵  
弗延醉名流  
只著雛鳳凰  
奇草



時自芬幽蘭時自芳歌鳥時自新風玉時自鏘枯榆与老柳莫  
蔓夫子墙、固不在高賜也不足方市声辟三舍苔痕寬一方  
衡斜露頭角扶疎嚴奧堂涼薰入冰弦古軫橫石床悠然於此  
時物我各兩忘孰辨榮與跖更說義與皇無人不種花長恐負  
艷陽我則異於是無復相較量藏春在懷袖不使蜂蝶狂願結  
虚心友晚節同蒼、

宿化度

烈日燉雲一單曲肱聊復謝輕紈夢回不復疑蝴蝶疑是蟾  
枝宿廣寒

宿天目山西淨行寺

有水有石又有竹、裏僧憲皆面山沆瀣弗勝和玉屑可能來  
隱碧孱顏

送吳侍郎婺州之官

坤維日望虜塵消鴛序坤珍壓大僚持素爰兄同法從牧羊友

弟並僂饑清流未漲雙溪碧浮俗先傳五袴謠八詠斷弦如可  
續為君折葦度秋潮

送吳尚書温州之官

終指金華餞阿連永嘉迓吏復聯翩東藩等是二千石此樂已  
無三百年學士即真尤鮮麗使君獨立恐難先嬾雲倘借鮮風  
便容與東西刺史天

北磻詩集卷第九





